

四庫全書

子部

欽定四庫全書

子部

御定淵鑑類函卷三百三十六

七

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官中書臣孫梅

謄錄監生臣陳太初

欽定四庫全書

御定淵鑑類函卷三百三十六

州郡部三

京師北直省 盛京遼東
江南 山東 山西

京師北直省一

增廣輿記曰按直隸為王畿之地左環滄海右擁太行
南襟河濟北枕燕然所謂勢拔地以崢嶸氣摩空而崩
方者也地理家謂北幹從崑崙發源縣亘萬餘里始入
中國為燕雲直隸為山前曰燕
大同為山後曰雲復東行起天壽山就平

衍方廣千里實有雄視海內之勢保定真定地接宣大廣平順德大名為齊晉河洛襟喉而河間屬車馬之衝永平當山海之戶宣府作居庸之藩皆所以拱衛京師者也

京師北直省二

增廣輿記曰順天府禹貢冀州之域天文尾箕分野陶唐曰幽都虞周曰幽州夏殷曰冀州秦為上谷漁陽地漢曰廣陽曰燕國晉唐曰范陽宋曰燕山遼為南京曰

幽都曰析津曰燕山金為中都曰大興元為燕京曰大都明洪武初為北平府永樂都此為北京曰順天國

朝因之領州六

通昌平涿霸薊遵化

縣二十

大興宛平良鄉固安永清東安香河三河

武清寶坻順義密雲懷柔房山文安大城保定玉田平谷豐潤

又曰保定府禹貢冀州

之域天文尾箕兼昴畢分野戰國屬趙秦屬上谷鉅鹿

漢為涿郡信都地隋曰清苑五代晉割屬契丹曰泰州

宋曰保州金元曰順天明為保定府國朝因之領州

三

和安縣十七
清苑滿城安肅定興新城唐博野慶都完容城蠡雄深澤東鹿高陽新安涑水

又曰河間府禹貢冀州之域天文尾箕分野春秋為東陽國戰國為燕趙齊地秦屬鉅鹿上谷二郡漢曰渤海曰河間隋唐曰瀛洲元明俱為河間府 國朝因之領

州二 滄縣十五

河間獻阜城任邱交河青靜海肅寧寧津吳橋東光故城南皮鹽山慶雲又

曰真定府禹貢冀州之域天文昴畢分野周為并州地戰國屬趙秦屬鉅鹿郡漢曰恒山曰真定唐曰恒州曰

鎮州宋元明曰真定 國朝因之領州五

定冀晉趙深

縣二

十七

真定獲鹿井陘藁城靈壽元氏樂城無極平山阜平新樂曲陽行唐南宮新河棗強武邑安平饒陽

武強柏鄉隆平臨城
高邑贊皇寧晉衡水

又曰順德府禹貢冀州之域天文

昴分野周為邢國地後屬晉戰國屬趙秦置信都縣屬
鉅鹿漢屬鉅鹿常山郡隋曰邢州唐曰鉅鹿五代梁曰
保義唐曰安國宋曰信德元明為順德府 國朝因之

領縣九

邢臺沙河南和平鄉鉅鹿廣宗唐山內邱任

又曰廣平府禹貢冀州

之域天文昴分野春秋屬晉戰國屬趙秦屬邯鄲漢曰
廣平曰平干隋曰武安唐曰洺州元曰洺邢明曰廣平

府 國朝因之領縣九

永年曲周肥鄉成安廣平邯鄲威縣雞澤清河

又曰大

名府禹貢冀兗二州之域天文室壁分野商舊都周封
武庚於此春秋為晉地戰國為魏衛之境漢曰魏郡魏
曰陽平後周曰魏州隋曰武陽唐曰天雄五代唐陞為
東京曰興唐尋改鄴都晉曰廣晉漢曰大名宋陞為北
京金曰武安元明復為大名 國朝因之領州一開縣

十元城大名魏南樂清豐
內黃濬滑東明長垣又曰永平府禹貢冀州之域

天文尾分野虞分冀州東北為營州即其地商為孤竹
國周屬幽州秦為遼西右北平二郡地魏曰盧龍北燕

曰樂浪後魏曰北平隋唐平州五代唐曰遼興金陞為
南京曰興平元曰平灤明為永平府 國朝因之領州

一灤縣五

盧龍遼安撫
寧昌黎樂亭

又曰延慶州禹貢冀州之域天

文尾分野漢為廣甯地屬上谷後魏曰北燕唐曰妫州
曰儒州遼曰縉陽元曰龍慶明初改隆慶又改延慶州
國朝因之 又曰保安州禹貢冀州之域天文尾分
野虞為幽州北境春秋戰國屬燕秦屬上谷郡漢曰涿
鹿唐曰新州遼曰武定曰奉聖金曰德興元明俱為保

安州 國朝因之 又曰萬全都指揮司禹貢冀州之
域天文尾分野戰國屬燕秦屬上谷郡漢屬幽州魏因
之後魏曰文德唐曰武州曰毅州遼曰德州金曰宣化
元號上都曰開平曰宣德明置萬全都指揮使司 國
朝因之領衛十一守禦千戶所二堡六

京師北直省三

增玉淵 藍水

一統志曰玉淵潭在順天府西元丁氏故池柳隄環抱景氣蕭爽沙禽水鳥多

翔集其間為遊賞佳麗之所 又曰藍水出玉田三樂臺山石間澄渟可愛其色如藍

樓桑

潭柘

記纂淵海曰樓桑邨在涿州即漢昭烈故居東南舊有桑高五大如車蓋然因號樓桑邨宋朱熹詩

樓桑大樹翠纈紛鳳鳥鳴時曾一聞會使本支垂百世詎知功業只三分一統志曰潭柘山在順天府西連

湧三峰傍有二潭上有古柘形曲如蚪金建寺於上周圍多修竹東有九峰環抱其南潭水繞峰而出

冷水

溫泉

又曰昌平縣西南有泉極冷廣輿記曰溫泉在湯山下四時常溫浴之愈疾

百花

萬柳

一統志曰順天府西有百花山以上多花卉故名一統志曰順天府西有萬柳崖在順天府

南輟耕錄云萬柳堂臨池數畝池中多蓮繞池植柳每夏柳陰蓮香風景可愛廉希憲別墅也

黍谷

柏山

一統志曰黍谷在懷柔東亦名燕谷劉向云燕有谷地美而寒不生黍稷鄒衍吹律以溫其氣

故名山曰黍谷又曰柏山在府西北山四旁多產柏故名

雁頭

魚鼻

紀纂淵海曰雁頭山

在霸州東南 一統志
曰魚鼻山在薊州東北

白鐵

黃金

又曰白鐵山在府西北山多白

石其堅如鐵 又曰黃金臺在府東南一曰小金臺按燕昭王於易水東南築黃金臺延天下士後人慕之亦

築臺於此為京師八景之一名曰金臺夕照

金溝

玉河

又曰金溝館在密雲王曾上契

丹事自順州至檀州漸入山五十里至金溝館將至館川原平曠謂之金溝浚自此入山詰曲登陟無復里堠

但以馬行記曰 又曰玉河源出玉泉山流經大內出都城東南注大通河

直沽

曲水

又曰直沽在武清東南衛河白河丁香沽合流於此入海元王懋德詩云極目滄溟浸碧天蓬萊樓閣遠相連

東吳轉海輪杭稻一夕潮來集萬船 廣輿記曰曲水園明萬駙馬別業燕地鮮水竹園獨饒富

洗

馬

釣魚

一統志

曰涿州城西洗馬潭舊傳張飛於此洗馬 又曰釣魚臺在順天府西臺下有泉

湧出滙為池其水至冬不竭相傳金時王鬱隱此

駐馬

臥龍

又曰寶坻縣南駐馬臺金

章宗駐蹕處也

又曰府西北有臥龍岡山石俱青惟此岡石獨堅白岡脊蜿蜒約二十餘丈狀如臥龍

金盞淀

玉帶山

又曰金盞兒淀在通州廣三頃水中又有花開似金盞記纂淵海曰玉帶

山在昌平東北山腰有白石若帶故名

九龍池

獨鹿山

又曰九龍池在天壽山西

南泉出九穴穴鑿石為龍吻水又曰獨鹿山在涿州城西下有鹿鳴澤

彈琴峽

種玉

田又曰彈琴峽在居庸關水流石罅聲若彈琴元陳孚詩曰月在金微風作弦清聲宣待指中彈伯牙別有

高山調寫在松風亂石間廣輿記曰種玉田在玉田縣北漢陽雍伯作義漿飲行者三年有人出石子遺之

云種此生美玉雍伯嘗求徐氏女徐云須白璧一雙可許聘後於田中得白璧遂聘徐氏

魚藻池

馬蘭峪

一統志曰魚藻池在宣武門外金時所鑿池上舊有瑤池殿又曰馬蘭峪關在遵化北

自是而東凡

三十一關

摘星嶺

披雲樓

記纂淵海曰摘星嶺在順天府西高入雲

霄

一統志曰順天府南舊有披雲樓題額三字甚佳樓上有遠樹影雖風晴雨晦登者皆見之

青

龍橋

紅螺山

又曰青龍橋在府西北又曰紅螺山在懷柔縣北高二百餘仞山下潭中有

二螺色殷紅夕吐光焰土人異之因以名山

金魚池

銅馬門

廣輿記曰金時名魚

藻池池上有殿今廢居人歲種金魚為業

記纂淵海

曰銅馬門在舊燕城東南隅即古薊城門一統志云城

有十門此其一也昔燕慕容儁得奇馬鑄銅像之以上順天府

鴻山

龍井

廣輿記曰鴻山

在唐縣一名洪城昔項羽於此見羣雁曰我當南面射中其一及不中人已知其終云記纂淵海曰龍井在

保定南相傳有龍居焉

紫泉 白溝

一統志曰紫泉源自新城西北龍堂上湧出廣輿

記曰白溝在新城宋與遼分界於此元劉因詩薊門霜落水天愁匹馬衝寒渡白溝燕趙山河分上鎮遼金風

物異中州

拒馬

東鹿

一統志曰拒馬河源出代郡涑山中流經涑水縣北又東南至定興縣

晉劉琨守此以拒石勒故名東鹿巖在東鹿縣北外隘內廣可容千餘人

白楊嶺

紫荆關

一統志曰易州城西北有白楊嶺記纂淵海曰紫荆關在易州歷代為扼塞之所

龍迹山

雞距泉

又曰龍迹山在易州西南石上有仙人及龍迹西麓有坑大如車輪中有

四穴春則風出東夏出南秋出西冬出北一統志曰保定府城西有泉水噴出狀如雞距原與一畝泉合流

元張柔鑿西城以入水雙流交貫循市委折夏秋之交荷芰如繡水禽下上遊人共樂焉

五回嶺

八渡關

記纂淵海曰五回嶺在易州西南委折五回下望層山若蟻垤然廣輿記曰八渡關在

唐縣漢時築有水屈曲八渡以上保定府

五壘

九城

記纂淵海曰五壘宮在滄州河

間獻王五子分居城中故名五壘一統志曰九城在景州西有邱閣城內有晉條令魯國孔相清德碑存

桂巖

蒲嶺

廣輿記曰桂巖在任邱巖多叢一統志曰蒲嶺城在阜城

房淵

董里

廣輿記曰房淵在獻縣石勒時水忽變赤慕容偶時水忽生鹽如印形一日再長再消不失其

度葉落於淵者輒有羣燕銜出之一統志曰景州廣州鎮即仲舒下惟讀書處其別墅曰董家里

千

頃

獨流

紀纂淵海曰千頃窪在景州東北凡河沒即導入此窪以免水患一統志曰獨流河在

興濟縣北

月明沽

日華宮

廣輿記曰月明沽在慶雲西接馬谷山東濱海煮鹽之所

又曰日華宮在獻縣漢河間王德所築置
客館二十餘區以延文學士以上河間府

望海

問山

一統志曰望海亭在抱犢山絕頂
記纂淵海曰問山堂在無極縣境內

釣盤射

堞

一統志曰釣盤山在臨城漢韓信敗陳餘於此餘問
其地曰釣盤山餘曰魚遇釣盤吾其亡矣果遇害

記纂淵海曰射堞山在井陘縣秦
將王翦伐趙下井陘於北射堞

雪浪

水簾

又曰雪浪

石在定州蘇軾得之恒山狀如雪浪鑿白石盆盛之刻
銘於上廣輿記曰水簾洞在阜平縣峯巒秀拔泉從

洞口飛
下如簾

牛口峪

熊耳峰

一統志曰牛口峪在臨城
昔有童謠曰竇入牛口勢

不得久竇建德為唐兵所破走至
此果被擒又曰熊耳峰在元氏

繫馬石

抱犢山

又曰繫馬石在獲鹿韓信若東具石砭然聳直望之若
椿然上刻誌字畫多剝落相傳漢韓信伐趙嘗繫馬於

此記纂淵海曰抱犢山在獲鹿舊名華山漢書韓信伐趙使人持赤幟從間道登華山而望即此

蒼

崖山 清泉井

一統志曰蒼崖山在井陘峯巖壘翠高出雲表上有雲霞交映又曰清泉井

在定州宋韓琦建學時所鑿水比他水清而重市人取以釀酒以上真定府

鵲山 狼溝

又曰鵲山在府城西北山中有穴出雲母又曰狼溝河在南和縣南兩岸多狼故名

沙丘 石

井 又曰沙丘臺在平鄉紂築沙丘臺多取鳥獸置其中衛靈公卒葬沙丘宮穿塚得石椁有銘云不憑其子

靈公奪我里子韋曰靈公之為靈也久矣秦始皇東巡回崩於沙丘皆此處 廣輿記曰龍岡在順德西北一

名石井井大如車輪漢光武營軍所鑿以上順德府

紫山 白塔 廣輿記曰紫山在邯鄲

時有紫氣覆頂故名趙馬服君趙奢葬此又名馬服山一統志曰白塔營在肥鄉後燕慕容垂嘗築城於

北以貯
輜重

天臺 聖井

一記纂淵海曰天臺山在肥鄉

以

上廣
平府

歸雁

潛龍

一記纂淵海曰歸雁亭在大名府治

州城內乃後唐
明宗所居之宅

雕馬

蒙鴻

一記纂淵海曰雕馬河在大

在大伍
山南巔

金堤

鐵丘

一記纂淵海曰金堤上接清豐下

統志曰鐵丘在開州左傳衛與鄭
戰蒯賁登鐵丘望之今猶名鐵丘

鶴城

鹿臺

一記廣興

鶴城在長垣衛懿公養鶴處鶴有乘軒者
纂淵海曰鹿臺在濬縣武王散鹿臺之財即此

鳳皇

山 鸕鵒阪

又曰鳳皇山

一在濬縣故河東岸相傳昔有

回八十里蒲魚之利土
人所資以上大名府

金泉

石洞

一統志曰金泉

而多泉潄而為池方數畝中產蓮金人作亭於中以為遊宴之所又曰石洞在昌黎

水巖

石門

又曰水巖在昌黎石巖間出泉夏冬不竭又曰石門在昌黎兩山峙立如門

蟒山

龜谷

又曰蟒山在遷安山之東有深穴嘗藏三蟒又曰龜谷在永平府東南其中煖氣勃然每歲過時

花卉方彫

射虎石

釣魚臺

記纂淵海曰射虎石在府南漢李廣夜出見虎彎弓射之

至沒羽比明乃知為石

清水河

赤峰嶺

一統志曰清永河在

又曰釣魚臺在府南

樂亭舊已湮塞明洪武中濬其故道置閘潄水以通海運又曰赤峯嶺在府西上有公孫神康墓

孤

竹國

五花城

廣輿記曰孤竹國在府西殷孤竹君所封地又曰五花城在撫寧唐太宗征

遼時築以

西螺

東嶺

一統志曰西螺山在延慶州又曰苗香東嶺在永

寧

清水

香峯

又曰清水河在保安州西南本端水從隆慶州流入洋河水極清澈下流

入桑乾 又曰香峯山在保安州西北

拂雲

壘翠

又曰漫天碣金太和初更名拂雲平

又曰壘翠巖舊名惡崖金太和初更名 以上保定州

石筍

金蓮

廣興記曰長安

嶺上懸崖之旁有石具形類筍 一統志曰雲州堡東北金世宗納涼之地產黃花狀若芙蓉而小俗呼金蓮

川以此花得名

獨石

雙峯

又曰開平衛南一石屹起平地又可構數極元黃潛詩解鞍及

亭午稍欣煙霧收蒼然重山出歷歷如雕鏤前瞻一石獨靈宮居上頭頗聞去年夏水激龍騰湫走避登屋上

夜半齋呀咻幸茲溪澗中今作清淺流宴安不可懷安化誠難求翠華眇在望行矣勿淹留 又曰雙峯山在

龍門衛兩峯相向高出衆山

龍池

螺山

又曰龍池泉在萬全右衛東南其水清冷引而

南入城中可灌畦圃 又曰螺山
在懷來衛北樹木森茂多資民用

柳河 花山 又曰柳河

在宣府北 又曰花山在懷安衛春
夏有花盛開 以上萬全都指揮司

京師北直省四

增詩齊陸厥邯鄲行曰趙女擲鳴琴邯鄲紛躡步長袖
曳三街兼金輕一顧有美獨臨風佳人在遐路相思欲
褰袞叢臺日已暮 唐張子潛幽州詩曰十月北風燕
草黃燕人馬飽弓力强虎皮裁鞍鵬羽箭射殺陰山雙
白狼 祖詠幽州詩曰燕臺一去客心驚鐘鼓喧喧漢

將營萬里寒光生積雪三邊曙色動危旌 張說薊州

詩曰去歲荆南梅似雪今年薊北雪如梅邊鎮戍歌連

日動京城燎火徹明開 杜甫雄州詩曰東逾遼海北

滹沱星象風雲喜色和紫氣關臨天地濶黃金臺貯俊

賢多 宋歐陽修雄州詩曰古關哀柳聚寒鴉駐目城

頭日影斜猶去西樓二千里行人到此莫思家 蘇軾

中山詩曰太行西來萬馬屯勢壓岱嶽爭雄尊飛狐上

黨天下脊半掩落日先黃昏 蘇轍檀州詩曰亂山環

合疑無路小逕縈迴長傍溪髣髴夢中尋蜀道興州東

谷鳳州西 金周鼎莫州道中詩曰大陵河東古莫州

居人小屋如蝸牛屋邊向外何所有惟見白沙壘壘堆

山邱車行沙中如倒拽風驚沙流失前轍馬蹄半跛牛

領穿三步停鞭五少歇雞聲人語無四鄰晚風蕭蕭愁

殺人人有禱沙應神遼東老兵非使臣何必埋却雙行

輪 元陳孚信德府詩曰火枯襄子殘銅斗土蝕平原

舊玉簪宮閉沙邱空有雀兵吞函谷已如蠶 又景州

詩曰聊攝之東一千里昔為青社太公履只今但有無
棣溝榆葉亂擁沙水流車行半夜草露濕路傍土堠如
人立丁當鐸搖馬不驚黑天倒垂參昴星吾生百年浪
自苦悲殆一聲殘月吐

盛京遼東省一

增盛京志曰京師者天下之本陪京者帝業之基也周
公營洛而王居在鎬光武東都而長安置京兆我
國家肇基遼海尊

盛京以明大業所自始近奉

山陵遠翊畿輔鴻圖式固寶厯靈長有光於周漢矣

盛京遼東省二

增盛京志曰興京周秦為肅慎地漢晉曰邑婁隋屬高麗唐初置燕州後為渤海大氏所據改屬定理府遼金屬瀋州明建州衛地

皇清為

太祖發祥之地尊為

興京以奉

永陵 又曰奉天府禹貢青州之域天文箕尾分野舜
分青州東北為營州商周秦俱肅慎地漢晉為邑婁國
唐睿宗時屬渤海大氏置瀋州隸定理府遼曰興遠軍
曰昭德軍金改顯德軍元曰瀋州後改瀋陽路明置瀋
陽衛

皇清建都尊為

盛京設奉天府領州一

遼縣五

承德海城蓋
平開源鐵嶺

又曰錦

州府禹貢冀州之域天文箕尾分野舜分冀東北為幽
州錦州其所統地也夏因之商為孤竹國周屬燕秦曰
遼西郡漢曰無慮曰望平屬遼東郡晉慕容氏置西樂
郡唐曰柳城遼置錦州臨海軍金因之元省軍曰錦州
明置廣寧三衛松山大凌河二所

皇清改廣寧府又改錦州府領州一寧遠縣二錦廣

盛京遼東省三

增金口

鐵背

盛京志曰金口峪河源出金口峪入馬
哈丹河由小峽河流入渾河又曰鐵

背山在城西北
上有界蕃二城

望藍嶺

納綠河

又曰望藍嶺在城西南
又曰納綠

河源出納綠窩集由興京門北入邊
至大年馬山即馬渾河以上興京

龍鬚

馬鬣

又曰

龍鬚嶺在城東
馬鬣峪在蓋平縣東

又曰

八角

三盤

又曰八角嶺在城東
又曰三

盤峪在海
城縣東北

花嶺

柳河

又曰花嶺在城東南
柳河在遼陽州東北源出曹

千戶

千山

八嶺

廣輿記曰千山在遼陽州南唐征高麗駐驛於此峯巒秀麗獨甚

盛京志曰八嶺
在蓋平縣東

白谷

碧山

又曰白谷碧山俱在蓋平

龍潭

雁窩

又曰龍潭在遼陽州潭水深不可測相傳有人曳櫓於此即龍王也
又曰雁窩山在蓋平

連雲

布霧

又曰連雲谷在蓋平東一統志曰布霧山在蓋平東南其山最高嘗有雲霧在其

上

三道嶺

五重河

威京志曰三道嶺五重河俱在蓋平東

菱角泊

蓮華山

又曰菱角泊在府西南又曰蓮華山在蓋平東南上有天門石室羣峯疊翠秀若芙蓉

華表柱

花露臺

廣輿記曰華表柱在遼陽城內昔丁令威家也令威學道得仙化鶴

來歸止華表柱以味畫表云有鳥有鳥丁令威去家千年今始歸城郭雖是人民非何不學仙家景景盛京

志曰花露臺有二俱在開原縣相傳邑中二姻親以華麗相尚所築也以上奉天府

紅草

黃花

威京志曰二山俱在城西

翠幕

花樓

又曰翠幕山在城北又曰花樓山在義

州東今屬廣寧縣

珠山

玉泉

又曰珠子山在府東又曰玉泉在廣寧縣醫巫閭山中

鳳頭

龍爪

又曰鳳頭山在廣寧縣西又曰龍爪山在城西南

木葉山

桃花島

遼史曰有神人乘白馬自馬孟山浮土河而東有夭女駕青牛車由平地松林泛黃河而下至

木葉山二水合流二人相配為偶生八子後族漸盛盛京志曰木葉山在廣寧縣北邊外廣輿記曰桃花島

在寧遠州濱海

以上錦州府

盛京遼東省四

增詩隋煬帝遼東雜言曰遼東海北翦長鯨風雲萬里

清方當銷鋒散牛馬旋師宴鎬京前歌後舞振軍威飲

至解戎衣判不徒行萬里去空道五原歸唐子漬遼

陽行曰遼陽在何處妾欲隨君去義合齊死生本不誇

機杼誰能守空閨虛問遼陽路

江南省一

增廣輿記曰按江南東濱瀛海西接楚湘北連齊豫南
引江浙而大江貫其中審寰寓全勢特偏隅爾而人文
財賦甲天下豈地利固殊歟蓋自六朝南宋夙為都會
其在勝國始稱輦下繼作陪京故冠蓋萃焉保境息烽
民久不見兵革故生聚繁焉其由來非朝夕矣

江南省二

增廣輿記曰江寧府禹貢揚州之域天文斗分野春秋

屬吳戰國屬越後屬楚楚威王置金陵邑因其地有王

氣埋金鎮之故名秦始皇改曰秣陵屬鄣郡漢屬丹陽

吳自京口徙都於此曰建業晉曰建康東晉曰丹陽晉

宋齊梁陳皆都此隋平陳郡廢改曰蔣州唐曰江寧曰

昇州宋曰建康元曰集慶明初亦都於此曰應天國

朝為江寧府領縣八

上元江寧句容溧陽
溧水江浦六合高淳

又曰徽州

府禹貢揚州之域天文斗分野春秋時屬吳吳亡屬越

戰國屬楚秦屬鄣郡漢為丹陽郡地三國屬吳曰新都

晉曰新安隋唐曰歙州宋元曰徽州明為徽州府 國

朝因之領縣六

歙休寧婺源祁門黟績溪

又曰寧國府禹貢揚州

之域天文斗分野春秋屬吳戰國屬越後屬楚秦為鄣

郡地漢曰丹陽曰宛陵東漢曰宣城隋唐曰宣州宋元

明曰寧國 國朝因之領縣六

宣城南陵涇縣寧國旌德太平

又曰

池州府禹貢揚州之域天文斗分野春秋時吳地後屬

越越滅屬楚秦屬鄣郡漢屬丹陽三國吳為石城侯邑

晉屬豫章梁屬南陵隋曰秋浦曰池陽唐宋曰池州明

為池州府

國朝因之領縣六

貴池青陽銅陵
石埭建德東流

又曰

太平府禹貢揚州之域天文斗分野春秋時屬吳地後

屬越戰國屬楚秦屬鄣郡漢屬丹陽晉曰當塗劉宋曰

姑孰唐曰南豫州宋曰平南曰太平元為太平路明為

太平府 國朝因之領縣三

當塗蕪湖繁昌

又曰安慶府禹

貢揚州之域天文斗分野春秋為皖國戰國屬楚秦屬

九江郡漢屬廬江三國初屬魏後屬吳為重鎮梁曰晉

州陳曰江州隋曰同安唐曰舒州宋元明曰安慶國

朝因之領縣六

懷寧潛山桐城太湖宿松望江

又曰蘇州府禹貢揚

州之域天文斗分野周泰伯仲雍始居之地武王封仲

雍曾孫於此為吳國自闔閭以後並都焉戰國屬越後

屬楚秦曰會稽東漢三國晉宋齊梁皆曰吳郡隋曰吳

州唐曰蘇州宋元曰平江明為蘇州府國朝因之領

州一太倉縣七

吳長洲吳江常熟崑山嘉定崇明

又曰松江府禹貢揚

州之域天文斗分野周為吳地吳滅入越越滅入楚秦

為婁縣地屬會稽郡東漢及魏晉皆屬吳唐曰華亭屬

蘇州五代屬秀州元明曰松江 國朝因之舊領縣三

今領縣四

華亭婁上海青浦

又曰常州府禹貢揚州之域天

文斗分野周初屬吳後屬越又屬楚秦為會稽郡地曰

延陵晉曰毘陵東晉曰晉陵隋唐宋元曰常州明改常

州府 國朝因之領縣五

武進無錫江陰宜興靖江

又曰鎮江府

禹貢揚州之域天文斗分野春秋時為吳地後屬越越
敗屬楚秦屬會稽郡三國吳初都於此後遷都秣陵乃

置京口鎮劉宋曰南徐隋曰潤洲唐曰丹陽宋元曰鎮

江明初改為江淮府後改為鎮江 國朝因之領縣三

丹徒丹陽金壇

又曰淮安府禹貢揚州之域天文斗分野春

秋屬吳後屬越戰國屬楚秦屬九江郡曰淮陰漢臨淮

廣陵地晉曰山陽隋唐曰楚州宋元明淮安府 國朝

因之領州二

海縣九

山陽鹽城清河安東桃源沐陽贛榆宿遷睢寧

又曰揚

州府禹貢揚州之域天文斗牛分野春秋時屬吳後屬

越戰國屬楚秦為九江郡地漢曰江都曰廣陵隋曰揚

州唐曰邗州五代楊吳都此曰江都南唐曰東都宋元仍曰揚州明初為淮海府繼為維揚府尋復為揚州府

國朝因之領州三

高郵泰通

縣六

江都儀真泰興興化寶應如皋

又曰

鳳陽府禹貢揚州之域天文斗分野古塗山氏國戰國

屬楚淮南郡秦屬九江郡東漢為鍾離侯國北齊曰西

楚隋唐宋曰濠州元曰臨濠明初改中立府定為中都

後改鳳陽府

國朝因之領州五

壽泗宿
潁亳

縣十三

鳳陽
臨淮

懷遠五河定遠虹霍邱蒙城
盱眙天長靈璧潁上太和

又曰廬州府禹貢揚州

之域天文斗分野周為廬子國春秋屬舒戰國屬楚秦屬九江郡漢曰廬江東漢曰合肥梁曰合州隋唐曰廬州宋曰保信軍元曰廬州路屬河南省明為廬州府

國朝因之領州二

無為縣六

合肥廬江舒城巢英山霍山

又曰廣

德州禹貢揚州之域天文斗分野春秋屬吳地名桐汭後屬越戰國屬楚秦為鄆郡地漢曰廣德梁曰石封曰大梁隋曰綏安唐曰桃州曰宣州南唐宋元曰廣德明為廣德州 國朝因之領縣一

建平

又曰徐州禹貢徐

州之域天文房心分野古大彭氏國春秋為宋地戰國屬楚秦置彭城縣項羽自稱西楚霸王都此漢曰徐州晉隋唐宋元明及國朝皆因之領縣四

蕭沛豐
碭山

又

曰滁州禹貢揚州之域天文斗分野春秋時為吳楚之交戰國屬楚秦為九江郡漢初隸淮南東晉曰南譙北齊曰北譙隋唐宋元明曰滁州國朝因之領縣二

全椒

來安又曰和州禹貢揚州之域天文斗分野春秋戰國

皆楚地秦置歷陽縣屬九江郡漢初屬淮南國三國屬

吳北齊曰和州唐宋因之元隸廬州明初改歷陽縣隸

廬州尋復為和州 國朝因之領縣一山

江南省三

增龍洞

雁門

方輿勝覽曰龍洞山在江浦清涼寺前廣輿記曰雁門山在府東南山勢連

巨類北地雁門

積金

聚寶

又曰積金峯在中茅峯陶弘景所居又曰府南聚寶門外產

細碼瑤石

白鷺

青龍

方輿勝覽曰白鷺州在江中心上多白鷺故名一統志曰青龍山

在府東南

來賓

嘉客

又曰來賓樓在聚寶門外洪武間建以聚四方賓客又曰嘉客泉

在茅山客至則湧出

投金

疊玉

廣輿記曰投金瀨在溧陽即擊漂女飯子胥處後子胥欲

報不知其家投金瀨水而去
方與勝覽曰疊玉山在句容

金山

玉澗

一統志曰金山在溧

陽又曰玉澗在蔣廟之側唐徐鉉詩
鍾山祠畔宿煙晴玉澗橋邊碧樹春

望雲

占星

又曰望雲臺宋葉清臣因三閤
舊基建又曰占星臺在句容

東山

西浦

又曰東山在府

東南晉謝安舊隱會稽東山築此擬之常放情遊賞與
從子元圃棋至夜始還又曰西浦在府南昔張碩遇
神女杜蘭香於此

石羊

玉兔

又曰石羊山在溧水又曰玉兔泉在府學東廊前

邀笛

覆盃

廣輿記曰貴溪橋右乃晉王徽之邀桓伊
吹笛處方與勝覽曰覆盃池在城北三

里一名西池晉元帝頗以酒廢政
王導諫之元帝因覆盃於此池

獻花

折柳

廣輿記曰

獻花巖祖堂法融禪定於此百鳥獻花
覽曰折柳亭宋張永建為祖餞之所亭在府西南

絳

巖山 碧峯寺

一統志曰絳巖山在句容本名赤山丹陽之義取此 又曰碧峯寺在聚寶門

外

蓮花池

桃葉渡

又曰蓮花池在溧水方輿勝覽曰桃葉渡在秦淮口桃葉晉

王獻之愛妾名也獻之詩曰桃葉復桃葉渡江不用楫但渡無所苦苦我自迎接

結綺閣

割青亭

一統志曰結綺閣在臺城內陳後主建張麗華所居也 方輿勝覽曰割青亭在段約宅今青

溪上有故基存焉王介甫詩曰昔時江令宅今日段侯家又有割我鍾山一半青之句

三鶴山

五馬渡

廣輿記曰三鶴山在溧水昔潘氏兄弟三人於此得道化為三鶴冲天故名 方輿勝覽

曰五馬渡在幕府山前晉元帝與諸王渡江處童謠云五馬浮渡江一馬化為龍果驗

伏龍山

躍馬澗

一統志曰伏龍山在句容柳汧之間與中茅峯近狀如龍其上嘗產金 又曰躍馬澗在

府西南舊名落馬
澗以上江寧府

赤嶺黃墩

方輿勝覽曰赤嶺在祁門縣北下有大溪

昔人為梁取魚魚不得下遂夜飛越此嶺而去人復於嶺上張網具飛不過者皆化為石雨過則赤故名又曰黃墩湖在府城西南一名蛟潭陳有程靈銑者善射夜夢人告曰吾數為呂湖虜厄明日幸見助吾必厚報求帛練者我也明日靈銑彎弓助之正中後廬後有道人教靈銑求善墓地靈銑遂為陳武帝佐命功臣

釣臺

漁梁

又曰釣臺在黟縣南亦名潯陽臺相傳李白嘗釣於此有詩云磨盡石嶺墨潯陽釣

赤魚鰲峰尖似筆堪畫不堪書一統志曰漁梁在府城南以新安江斗瀉而下為漁梁以緩水勢

黃

山

白嶽

廣輿記曰黃山在府城西上有峯三十六溪二十四洞十八黃帝嘗與容城子浮邱公鍊

丹於此方輿勝覽曰白嶽山在休寧絕壁斷崖松蘿森靄

梅源

箸嶺

一統志曰梅源

山在婺源縣西山產楊梅梁任約為太守罷不復采又曰箬嶺在歙縣北

藏書閣產

墨嶺

又曰藏書閣在婺源產石墨土人採之久而成井又號石墨井

芙

蓉嶺

翡翠巖

記纂淵海曰芙蓉嶺在婺源東翡翠巖在績溪東北

四十七瀨

三十六峯

又曰休寧西溪有四十七瀨山有三十六峯二十四洞

又曰小華以上徽州府

魚磽 鳬山

一統志曰魚磽山在涇縣西北下有一窟濶逾三尺脈通江海時有湧泉則魚

隨波而出紀纂淵海曰鳬山在旌德竇令君二女化青鳬仙去

疊嶂

雙溪

方輿勝覽

曰疊嶂在宣城陵陽山上又曰雙溪閣在府治取宛句二水以名

高爽榭

逶迤城

一統志曰高爽榭在南陵登之可見四山又曰逶迤城在府北

控吳越

連歙池

唐杜牧詩曰土控吳兼越州
連歛與池以上寧國府

菊所 桃源

廣輿記曰菊所在東

流陶彭澤種菊於此故縣曰菊
邑記纂淵海曰桃源在建德

鹿迹石

虎林城一

志曰鹿迹石在東流俗傳葛洪於此鍊丹丹成跨白鹿
飛昇石上有鹿跡廣輿記曰虎林城在城東孫權封

子休鎮此

五霞洞

九華山

一統志曰銅陵縣石礧磯瀕
大江有三石門水洄可出入

容數十人亦名五霞洞方輿勝覽曰青陽九子
山李白以九峯如蓮華改為九華以上池州府

絳

雪

碧雲

廣輿記曰絳雪亭在府治園中舊名杏
花邨一統志曰碧雲亭在府子城上

蟻

磯

牛渚

又曰螺磯在蕪湖大江中螺老蛟也今磯南
有一石穴廣一丈深叵測蓋螺所居黃庭堅

書螺磯云螺似蛇四尺能害人廣輿記曰府城北下
有磯曰牛渚一名焚犀浦溫嶠嘗焚犀照之見奇怪萬

狀或乘車馬著赤衣憤其夜夢神人告曰與君幽明道別何意相犯

九井 七磯

一統志曰

府南九井山有九井世傳晉桓溫所鑿元和志殷仲文九月九日嘗從溫登九井賦詩即此又曰七磯在蕪

湖又名磧磯陳周文育襲溫城徐嗣徽引齊人渡江據蕪湖列艦於青墩

覽秀館 滴翠

軒又曰覽秀館在多寶院西廣輿記曰滴翠軒在蕪湖舊名檜軒宋黃庭堅讀書處以上太平府

值雪 臥冰

一統志曰望江縣西有平岡相傳為李太白值雪處廣輿記曰臥冰池在望江西

晉王祥嘗奉母避地於此

龍眠

鳳棲

方輿勝覽曰龍眠山在桐城宋李公麟歸老號龍眠

居士黃庭堅詩諸山何處是龍眠舊日龍眠今不眠聞道已隨雲物去不應只雨一方田記纂淵海曰鳳棲

山在太湖

潛山

皖口

一統志曰潛山一名皖伯臺魏左慈嘗居此鍊丹上有三峯二巖四

洞二池層巒疊嶂為長淮杆
蔽廣興記曰皖口在府西

水晶洞

瑪瑙山

記纂
湖海

曰水晶洞在天柱寺中瑪瑙
山在太湖北以上安慶府

鶴市

虎丘

又曰鶴市
在闔閭門

外吳越春秋曰吳王闔閭有少女王與夫人會食蒸魚
王嘗半女怨曰王辱我乃自殺王痛之葬於郭西舞白

鶴於吳市萬人隨觀逐男女與鶴入羨門因塞之以送
死方輿勝覽曰虎丘山在城西北九里又名海湧山

越絕書曰吳王闔閭葬虎丘山下發五都之士十萬人
共治葬穿土為川積壤為丘池廣六十步水深一丈五

尺銅棺三重頤池六尺黃金珠玉為鳧雁扁諸之劍魚
腸之干在焉葬三日金精上騰為白虎蹲踞其上世說

又云始皇嘗登此阜將發塚取寶鏐俄
有白虎始皇拔劍刺虎虎隱入山因名

華山

雪井

又曰華山在吳縣西故老曰山頂有池生千葉蓮花人
服之能羽化故名華山巖石甚奇勝一統志曰雪井

在虞山宋元祐中徐神翁弟子申南遊至虞山插竹為菴山峭無水一日大雪惟山坳不積申鑿之果得美泉

錦帆

寶帶

廣輿記曰錦帆涇在府城內吳王錦帆經遊處

又曰寶帶橋在府城內吳王錦帆

臺湖南北長三十餘丈唐王仲舒捐帶築此故名

琴臺

劒池

一統志曰琴臺在靈巖山

池記纂淵海曰劒池在長州虎丘山

放鶴

投龍

廣輿記曰放鶴亭在支硎山南峯晉支遁

放鶴於此高啓詩放鶴去常高飛啄莫爭雞鷺食遊莫近虞羅機雲山海嶠堪來往明月千秋待爾歸又曰

投龍潭在府城西南水出龜山下南入太湖林屋紀遺云宋嘉定初有人於山下採藻獲吳越所投金龍玉簡

簡似銀製長九寸篆文隱然皆以朱漆填鈎題云太歲壬戌時建隆二年也

縹緲

滄浪

又曰縹緲峯在洞庭西山之巔方輿勝覽曰滄浪亭在郡學東一統志曰吳越錢元璪池館也宋蘇舜欽買

居此作亭其上自為記

銷夏行春

一統志曰銷夏灣在洞庭西山之趾舊傳吳王避暑

處唐皮日休詩太湖有曲處其門為兩涯當中數十頃別如一天池號為銷夏灣此名無所私亦日莫斜照清

風多遙吹木陰厚若瓦巖磴滑如飴我來此遊息夏景方赫曦一坐盤石上肅肅寒生肌又曰行春橋在橫

山下正跨

雞陂

鱸鄉

廣輿記曰雞陂在吳縣吳王養雞之所又有魚城鱸菴鹿

石湖口

洲皆吳之古迹也一統志曰鱸鄉亭在吳江宋林肇建蓋取陳瓘秋風斜日之句高啓詩獨上鱸鄉亭秋風

南浦生載誦黃花句遙思張步兵天空白水遠日墮赤楓明我亦東歸客一壺一醉傾

垂虹橋

攢雲嶺

方輿勝覽曰垂虹橋在吳江縣即利往橋東西千餘尺用木萬計前臨具區橫絕松陵湖

光海氣蕩漾一色乃三吳之絕景橋中有亭曰垂虹一統志曰攢雲嶺在洞庭山南以上蘇州府

龍洞

鶴坡

記纂淵海曰白龍洞在華亭雲橫山頂又曰鶴坡在府東北地出鶴俗謂之鶴窠

聽雪

棲雲

廣輿記曰聽雪軒在府南龍門寺一統志曰棲雲樓在淨行寺

陸

宅

顧林

又曰陸機宅在府南門外宋梅堯臣詩晴雲鶴唳幾千隻隔水野梅三四株欲問陸機當

日宅而今何處不荒蕪又曰顧亭林在城東南陳顧野王曾寓居於此

白苧城

黃耳

塚

廣輿記曰白苧城在府南地生野苧環立如城又曰黃耳塚在府南陸機有快犬曰黃耳性黠慧能解

人語隨機入洛久無家問機作書以竹筒繫犬項令馳歸復得報還洛後葬此以上松江府

劍井

弓河

方輿勝覽曰劍井在府東陸士元記云胡文恭公為副樞修門公為右丞余中霍端友魁廷試

邵剛魁南省邵林魁鄉薦蔣公入西府皆先一歲瑞氣氤氳升蟠數日為之祥證一統志曰弓河在無錫東

傍有九河
號九箭

漆塘

膠山

又曰漆塘山在無錫宋錢紳
退老其間

又曰膠山在無

錫與慧山東西
相望宛若翠屏

曲水

橫山

廣興記曰曲水亭在慧
山寺前具水九曲一名

浣沼宋蘇舜欽流觴於水
山在晉陵徐楷碑云晉右將軍曹橫葬此

方與勝覽曰橫

飛霞

凝露

一統志曰飛霞樓在玄妙觀東北虛敞高爽
與勝覽曰凝露堂在府西唐大厯中內廳階下二

松甘露降刺史獨
孤及上其事故名

金泉

錫山

記纂淵海曰金泉在
宜興廣興記曰錫

山即慧山東峯也周秦間產鉛錫古銘云有錫兵天下
爭無錫寧天下清光武以後不復產錫以上常州府

留雲
喜雨

一統志曰留雲亭在金山絕頂參挹雲
漢寔金山之勝概方與勝覽曰喜雨

樓在城內規模宏壯占一
郡勝處頗有登覽之快

望海

送江

又曰望海樓
在府治昔蔡

君謨經此題曰望海樓城中最高處視甘露金山如屏
幃中畫出信江南絕致也後改曰連滄觀一統志曰

送江亭在石公山上

清風

綠水

廣輿記曰清風橋在府治范仲淹建記纂淵海曰綠水

橋在府治之西

鐵甕城

金山寺

方輿勝覽曰唐乾符中周寶為潤帥築羅城二十餘

里仍號鐵甕又云吳孫權所築一統志曰金山寺在金山梁武帝常設水陸會於寺

增華閣

多景樓

一統志曰增華閣在招隱山梁昭明太子讀書處廣輿記曰多景樓在甘露寺內以

上鎮江府

白水

黃石

記纂淵海曰白水塘在山陽魏鄧艾所修廣輿記曰黃石山在邳

州

羽潭

角城

又曰羽潭在羽山下左傳縣為黃熊入於羽淵即此一統志曰宿遷東

南有晉角城廢縣

綠野亭

紫極觀

又曰綠野亭在海州方輿勝覽曰紫極觀在

府西南隅李公麟嘗於壁間畫猴戲馬馬驚而園人鞭之時稱為奇筆

以上淮安府

蓮塘

瓜步

一統志曰蓮塘浦在興化明高穀詩芳蓮無數滿芳塘絕處西湖十里香帶露有情誇麗色臨風無

語闢新粧花邊每見擎青蓋葉底還看墜玉房却怪菱歌深處起一聲驚散紫鴛鴦

廣輿記曰瓜步山在儀

真後魏太武南伐起行宮於此又宋鮑昭文云瓜步山因迴為高據絕作雄陵清瞰遠擅奇含秀是亦居勢使之然

戲馬

遊龍

記纂淵海曰戲馬臺在廣陵又陳師道詩話云下有路號玉鉤斜

廣輿記曰如皋縣遊龍河通大江又名九十九灣

茱萸灣

芙蓉閣

方輿勝覽曰茱萸

茱萸灣在府東北隋仁壽年開以通漕運其側有茱萸邨因名又曰芙蓉閣在泰州曾正臣詩曰參差紅菡萏

迤邐綠菰蒲沙鷺窺吟榻風蟬入座隅

棲雲閣

摘星樓

廣輿記曰棲雲閣在通州

狼山 方輿勝覽曰摘星樓在城西
江淮南北一日可盡 以上揚州府

觀魚 夢蝶 纂記

淵海曰觀魚臺在府舊鍾離縣西即莊周臺也昔莊子
與惠子遊於濠梁之上莊子曰儵魚出遊從容是魚樂
也惠子曰子非魚安知魚之樂莊子曰子非我安知我
不知魚之樂 又曰夢蝶港在舊城夢蝶坊莊子云周
夢為蝴蝶栩栩然蝴蝶也俄然覺
則蘧蘧然周也後人因以名其地

華蓋 翠屏 又曰

山在定遠南 一統志曰翠
屏堂在盱眙縣起秀亭前

起秀 浮空 方輿勝覽
曰起秀亭

在玻瓈泉上舊名會景草綱記云鬱鬱葱葱之氣萃於
東南而東南之秀實起於此 一統志曰浮空亭在浮

山頂上蘇軾詩人言此地是鰲宮升降隨波
與海同共坐船中那得見乾坤浮水水浮空 桐宮

桑林 廣輿記曰桐宮在亳州伊尹放太甲處
又曰桑林在亳州即成湯禱雨處 含桃

斷梅

一統志曰含挑間在舊濠州廨宋祥符中梅詢為守呂夷簡為倖相得甚歡以此為憩息之所方

與勝覽曰斷梅谷在懷遠縣周世宗以荆塗二山有王者氣命斷之時有梅族居此因名以上鳳陽府

金庭

玉欄

廣輿記曰金庭山在巢縣一名紫微山道書第十八福地王子喬昇仙於此上有金

庭洞杏花泉宋元美成詩云蕭蕭葉下曉風寒日上金庭恰一竿行遍杏花泉畔落紫雲深處見星壇一統

志曰玉欄橋在巢縣以白石為欄如玉今名橐皋橋

雙龍

五鳳

廣輿記曰雙龍橋在六安

相傳張路斯鄭祥遠化為龍戰於此一統志曰五鳳樓在府城上唐張崇築城創樓鳳集其上因以紀瑞

金斗

銀瓶

廣輿記曰金斗城在府西舊志合肥號金斗以其分野入斗度獨多也一統

志曰無為州西北一峯特起狀若銀瓶故名

鹿起

龍眠

記纂淵海曰鹿起山龍眠山在

舒城

擲盃卓筆

一統志曰擲盃橋在廬江相傳魏曹操忌左慈設鵠酒飲之慈抽簪劃酒

盃中斷飲訖擲盃空中動搖似飛鳥狀人皆仰視忽失慈所在

又曰卓筆山在舒城以形似名

逃

蛟澗

迴龍橋

方輿勝覽曰迴龍橋在府城德勝門內蛟澗在霍山北相傳淝

一統志曰迴龍橋在府城德勝門內相傳曹操與吳相持於此迴馬故名

藏舟浦

浮槎

山

方輿勝覽曰藏舟浦在府西北隅舊經云魏張遼掘巨浦拒孫權藏戰艦於此唐刺史杜公作斗門與肥

水相接浦內島嶼花竹頗為佳景東隋志云有浮閣山俗傳自海上浮來梵僧過而指曰

又曰浮槎山在府

此香閣一峯也梁武帝女總持大師修道於此以上廬州府

桐水

竹山

又曰桐水在州

西北源出白石自宣城城界流入陽湖一統志曰竹山在城南疊嶂層巒回環拱揖有松竹泉石之勝

巢雲亭

鎖山寺

廣輿記曰竹山上有巢雲亭一統志曰鎖山寺在州北以上廣德州

紅亭

黃樓

又曰左傳昭公八年秋蒐於紅今蕭縣紅亭是其地廣輿記曰黃樓在州東

北宋蘇軾築落成時故人王鞏造訪乘月觴之樓上謂鞏曰李白死後世無此樂三百年矣

戲馬

臺

放鶴亭

又曰戲馬臺在州南項羽嘗戲馬於此一統志曰宋熙寧間山人張天驥作亭於

東山之麓山人有二鶴旦則望西山而放暮則傍東山而歸故名以上徐州

銅井

石屏

又曰銅井山在全椒縣西北一名銅宮上有銅井廣十餘丈深不可測方輿勝覽曰石屏路在州外宋梅堯

臣詩尋常畫屏多畫山何意此山還作屏峭排直下幾千尺下有石路莓苔青

醉翁

茶仙

記纂淵海曰醉翁亭在琅邪山歐陽修作記茶仙亭在琅邪寺曾肇作記

曲亭

幽谷

一統

志曰曲亭山在州西方輿勝覽
曰幽谷即豐樂亭地有紫微泉

三隱

五賢

一統志曰

全椒桑根山下有南隱中隱北隱三隱相去各十餘里
古隱者所居也廣輿記曰五賢祠在琅邪山王禹偁

歐陽修張方平曾肇
蘇軾也以上滁州

桃塢

梅山

廣輿記曰桃花塢
在和州張籍讀書

處又曰梅山在含
山曹操望梅止渴處

沸井

湯泉

方輿勝覽曰沸井
在州西百步郭璞

筮云歷陽井當沸即此一統志曰寧疴湯泉
在州北其色深碧沸白香氣襲人
以上和州

江南省四

增詩晉陸機吳趨行詩曰楚妃且莫歎齊娥且莫謳四
坐並清聽聽我歌吳趨自有始請從閭門起閭門

何戕戕飛閣跨東波重欒承璇極回軒起曲阿藹藹慶
雲被泠泠鮮風過山澤多藏育土風清且嘉太伯導仁
風仲雍揚其波穆穆延陵子灼灼光諸華王迹頽陽九
帝功興四遐大皇自富春矯首頓世羅邦彥應興運桀
若春林葩屬城咸有士何郡最為多八族未足珍四姓
實名家文德熙淳懿武功侔山河禮讓何濟楚流化自
滂沱淑美難窮紀首按為此歌 梁武帝登北固樓詩
曰南城連地險北顧臨水側深潭下無底高岸長不測

舊嶼石若構新洲花若織 唐李白金陵詩曰龍蟠虎

踞帝王州帝子金陵訪古邱春風試暖昭陽殿明月還

過鵝鵲樓 又詩曰地即帝王宅山為龍虎盤金陵空

壯觀天塹靜波瀾 又曰苑方秦地少山似落陽多古

殿吳花草深宮晉綺羅 又送人歸黃山白鶴峯詩曰

黃山四千仞三十二蓮峯丹崖夾石柱菡萏金芙蓉伊

昔升絕頂下窺天目松仙人鍊玉處羽化留餘蹤亦聞

溫伯雪獨往今相逢採秀辭五嶽攀巖歷萬重歸來白

鸞嶺渴飲丹砂井鳳吹我時來雲車爾當整去去陵陽

東行行芳樹叢迴溪十六度碧嶂盡晴空他日漫相訪

乘橋躡綵虹 杜甫壯遊詩曰東下姑蘇臺已具浮海

航到今有餘恨不得窮扶桑王謝風流遠闔閭邱墓荒

劒池石壁仄長洲荷芰香嵯峨闔門北清廟映回塘每

懷吳太伯撫事淚浪浪 張籍送弟戴元之蘇州詩曰

楊柳閨門外悠悠水岸斜乘船向山寺著屐到人家夜

月紅柑樹秋風白藕花江天詩境好迴日莫全賒 劉

禹錫石頭城詩曰山園故國周遭在潮打空城寂寞回
淮水東邊舊時月夜深還過女牆來 白居易蘇州詩

曰半酣憑欄起四顧七堰八門六十坊遠近高低寺間
出東西南北橋相望 又吳中好風景詩曰吳中好風
景八月如三月水荇葉仍香水蓮花未歇海天微雨散
江郭纖埃滅暑退衣服乾潮生船舫活雨衙漸多暇亭
午初無熱騎吏語使君正是遊時節 又曰吳中好風
景風景無朝暮曉色萬家煙秋聲八月樹舟移管弦動

轎擁旌旗駐改號齊雲樓重開武邱路况當豐熟歲好
是歡遊處州民勸使君且莫拋官去 杜牧寄揚州韓

綽判官詩曰青山隱隱水迢迢秋盡江南草木凋二十

四橋明月夜玉人何處教吹簫 李紳盱眙詩曰山凝

翠黛孤峯迴淮起銀花五丈高天外綺霞明海鶴日邊

紅樹豔仙桃岸驚目眩同奔馬浦溢心疑覩 杜鰲寄謝

雲帆疾飛鳥莫誇迴雁卷輕毛 羅隱廬州詩曰勝境

天然別青藍入畫圖一山分四頂三面瞰平湖 宋蘇

軾建康詩曰江令蒼苔園故宅謝家語燕集華堂先生

笑說江南事祇有青山遶建康潘閬九華詩曰將齊

華嶽猶多六苦并巫山又欠三好是雨餘江上望白雲

堆裏潑濃藍沈括太平府詩曰豺塘春水綠泱泱謝

市煙深柳線長卷帽夕陽留不住好風將雨過梅塘

王安石吳王獵場詩曰吳王好射虎但射不操戈匹馬

掠廣地萬兵助遮羅時平事非昔此地桑麻多猛獸亦

已盡牛羊在田坡陸游望江道中詩曰吾道非邪來

曠野江濤始此去何之起隨烏鵲初翻後宿及牛羊欲
下時風力漸添帆力健艣聲常雜雁聲悲晚來又入淮
南路紅樹青山合有詩 孫僅潯山詩曰勢參吳楚分

作鎮向同安地勝塵寰隔天深洞府寬位將衡嶽巖根
與霍山蟠日轉香爐煖風清玉照寒石樓平郡堞天柱
倚雲端禪臨祖師塔山接左慈壇元宗曾立廟漢武亦
鳴鑾 蘇舜欽過蘇州詩曰東出盤門刮眼明蕭蕭疎
雨更陰晴綠楊白鷺俱自得近水遠山皆有情萬物盛

衰天意在 一身羈苦俗人輕無窮好景無緣住旅棹區

區暮亦行 林景熙雲間懷古詩曰薰風短棹水粼粼

老鶴疎林寂不聞內史祠荒殘碣雨黃門書冷半堆雲

獵場斜日分桑塢馳道深林走鹿羣寥落一觴誰弔古

漁鄉煙景客平分 汪元量常州詩曰渡頭風起柳搖

絲丁卯橋邊屋亦稀河草青青淮馬健江花冉冉海鷗

肥一尊酒對三人飲八字帆分兩岸飛天末有人難問

信仲連東去不須歸 米芾和孫少述潤州詩曰雲間

鐵甕近青天飄渺飛樓百尺連三峽江聲流筆下六朝
山影落尊前幾番畫角催紅日無事滄洲起白煙忽憶
常心何處在春風秋月兩茫然韓駒泰興道中詩曰
縣郭連青竹人家蔽綠蘿地偏春事少山迥夕陽多暗
水披崖出輕船掠岸過傳呼細扶柁吾老怯風波 鼉
無咎赴廣陵道中詩曰醉臥符離太守亭別都絃筦記
曾稱淮山楊柳春千里尚有多情憶小勝 又曰急鼓
鼙鼙下泗州却瞻金塔在中流帆開朝日初生處船轉

春山欲盡頭 又曰楊柳青青欲哺鳥一春風雨暗隋

渠落帆未覺揚州遠已喜淮陰見白魚 又揚州雜詠

曰阜英邨南三里許春江不隔一程遙雙堤鬪起如牛

角知是隋家萬里橋 又曰龍興寺裏青雲幹后土祠

中白雪葩五百年間城郭改空留鴨腳伴瓊花 朱服

過廬州詩曰昔年吳魏交兵地今日承平會府開沃壤

欲包淮甸盡堅城猶抱蜀山回柳塘春水藏舟浦蘭若

秋風教弩臺獨有無情原上草青青還入燒痕灰 李

泰定題廣德州子城三峯樓詩曰一川花柳擁雕欄濃
綠浮空四面山便欲攜家來此住不將名姓落人間

歐陽修滁州詩曰滁陽幽谷抱山邪我鑿清泉手種花
故事留傳父老說世人今作畫圖誇 元薩都拉江南

樂歌曰江南樂春水紅橋滿城郭出門不用金馬絡門
前畫船如畫閣綠紗虛窓春霧薄隔窓蛾眉秋水活翡
翠冠高羅袖閣楚舞吳歌勸郎酌紫竹瑤絲相間作船
頭柳花如雪落船尾彩旗風綽綽秉燭夜遊隨處泊人

生無如江南樂 又彭城雜詠曰城下黃河去不回四

山依舊翠屏開無人會得登臨意獨上將軍戲馬臺

又曰雪白楊花拍馬頭行人春盡過徐州夜涼一片城
頭月曾照張家燕子樓 又曰黃河三面遶孤城獨倚

危欄眼倍明柳絮飛飛三月暮樓頭猶有賣花聲 又

曰歌扇春風暝酒香舞裙落日動鶯黃柳邊今夜孤舟

發水遠山遙空斷腸 戴表元過姑蘇詩曰水天彌望

接青蕪雲氣漫漫近又無一色好風三百里挂帆安坐

過姑蘇 陳孚常州詩曰毘陵城西漁火紅家家夜夜

燒碧空荻花離離李子塚楓葉索索春申宮雞聲人語

三十里大船小船浪相倚鷗鷺一雙飛上天人在舵樓

弄秋水 何中淮安道中詩曰鐘聲起前林悠悠向南

客天垂大野高月澹行路白雞犬淮上村雲霞海邊色

舊時塞垣地來往人馳驛 貢奎邳州詩曰荒城十載

路重輕暫樣扁舟坐驛亭春到梅花何處白雪晴山色

向人青驚心家遠書難寄迎面風寒酒易醒莫憶牽衣

兒女態曉猿夜鶴笑林扃 瞿佑至松江詩曰投林倦
鳥暮知還傍水人家戶半關煙柳露荷搖動處岸花穠
燕送留間依稀似識城頭鶴髣髴曾遊海上山張翰有
靈應笑問東歸今見一人閒 明歸有光淮上詩曰長
淮餞落日圓光正如赭傾紅注流波殊景不可寫淮水
自西流黃河從北下併合向東行終年無停瀉哀此千
里客春至復已夏獨立空惆悵所與晤言寡

山東省一

增廣輿記曰按山東齊魯舊域海岱雄區外引黃淮內包遼海西面以臨中原真川陸之衝也

山東省二

增廣輿記曰濟南府禹貢青州之域天文危分野春秋戰國並齊地秦為齊郡漢初為濟南國景帝時分郡曰平原曰千乘曰泰山曰渤海後魏曰齊州唐曰臨淄宋曰興德元改濟南路明為濟南府 國朝因之領州四

泰安德縣二十六

歷城章邱鄒平淄川長山新城齊河
齊東濟陽禹城臨邑長清肥城青城

陵新泰萊蕪德平平原陽信海

又曰兗州府禹貢徐兗

二州之域天文奎婁分野春秋魯地戰國屬楚秦為薛

郡漢曰魯國曰山陽東漢曰任城晉曰魯郡隋唐曰兗

州宋曰泰寧曰襲慶元明為兗州府 國朝因之領州

四曹濟寧縣二十三

嶧陽曲阜寧陽鄒泗水滕嶧金鄉
魚臺單城武曹定陶嘉祥鉅野鄆

城汶上東河平陰
陽穀壽張鄆城費

又曰東昌府禹貢兗州之域天文危

室分野春秋齊西鄙聊攝地戰國魏齊趙三國之境秦

為東郡鉅鹿郡漢曰濟陰曰清河魏曰陽平唐曰博平

曰博州宋曰濮州元初隸東平路後改曰東昌明為東

昌府

國朝因之領州三

臨清濮高唐

縣十五

聊城堂邑博平茌平丘莘

清平冠館陶恩夏津武城范觀城朝城

又曰青州府禹貢青州之域天文

虛危分野周禮曰東曰青州蓋以土居少陽其色青故

名太公封此為齊國秦曰齊郡曰琅邪漢曰北海魏曰

益都隋唐曰青州宋曰鎮海金元為益都明為青州府

國朝因之領州一 縣十三

益都臨淄博興高苑樂安壽光昌樂臨朐安邱

諸城蒙陰沂水日照

又曰登州府禹貢青州之域天文危分野古

岬夷地夏斟鄩氏國於此春秋牟子國戰國屬齊漢屬東萊郡後魏曰東牟隋曰牟州唐曰登州宋屬京東路元屬益都路明為登州府 國朝因之領州一寧海縣七

蓬萊黃福山棲霞招遠萊陽文登

又曰萊州府禹貢青州之域天文危

分野古萊夷地春秋為萊子國秦屬齊郡漢曰東萊後魏曰光州隋唐曰萊州元明俱為萊州府 國朝因之

領州二

平度縣五

掖濰昌邑高密即墨

山東省三

增漢柏

秦松

廣輿記曰柏在泰山下漢武帝東封時植一統志曰秦始皇登泰山遇風雨

避於松下因封為大夫

瑤池

寶泉

又曰瑤池在泰山下水極清味甘美俗號王母瑤池

又曰寶泉在新泰其水澄清若鏡故名

鰲山

馬谷

又曰鰲山在新泰又曰馬谷山在

海豐中有洞深廣大餘

繡江

華泉

廣輿記曰繡江亭在章邱縣繡江之濱一統志曰

華泉在華不注山

龍亭

鳳江

記纂淵海曰龍亭山在新泰東下有龍池一統志曰鳳

江橋在章邱縣西北小清河上以上濟南府

落鳳

獲麟

記纂淵海曰落鳳臺在鉅野南

又曰獲麟臺在鉅野東即魯哀公西狩獲麟處

曝書

澤筆

一統志曰曝書臺在鄒縣

世傳子思曝書於此記纂淵海曰澤筆池在沂州城內晉王羲之曝書堂前

觀魚

鬪雞

又曰觀魚臺在魚臺魯隱公觀魚于棠即
此一統志曰闕雞臺有二俱在曲阜

望海想

山廣輿記曰望海樓在郟城馬陵山世傳孔子嘗登此
以望海一統志曰想山亭在曹縣宋郡守盧襄詩

客來如見小窓扉
便是山翁想山處

棲霞披雲

記纂淵海曰棲霞山
在單縣世傳梁孝王

嘗遊此一統志曰披
雲樓在曹縣舊州城上

闕里陋巷

記纂淵海曰闕
里在城內陋巷

在曲阜顏子廟前

金堤玉版

廣輿記曰金堤在濮
州漢成帝時王延世

以上兗州府

運土塞河自金堤而增築之即
此一統志曰玉版臺在聊城

牧鶴歇馬

記纂淵
海曰牧

鶴池在觀城縣境相傳衛懿公養鶴
之所一統志曰歇馬城在館陶

孟館陳臺
又

孟館在荏平相傳孟子遊齊梁嘗館於此
曰濮州舊城東北魏封曹植為鄆城侯於此築臺讀書

後改封陳王邑人因號
陳臺以上東昌府

芹泉 艾山

一統志曰芹泉在城西元魏懷

遠大將軍英居其側
又曰艾山在蒙陰

愚公谷

薄姑城

廣輿記曰愚公谷在臨淄

齊桓公逐鹿至此問一父老何以名愚公谷對曰臣畜
特牛生犢賣犢而買駒少年謂牛不能生馬遂持駒去
鄰人以臣為愚故名 又曰薄姑城在博
與古薄姑氏國太公四世孫胡公徙都此 雨羅山

水簾洞

記纂淵海曰雨羅山在安邱其上有雲氣羅布
則天必雨 一統志曰水簾洞在雲門山之陰

中有泉清冽常不枯旁有石枕凡
登覽者可憩焉 以上青州府

納川

召石

又曰納川

亭在府北海濱 又曰召石山在成山秦始皇造石橋
欲渡海觀日出處有人召石於山下石行不歇神人鞭
之見血今山下 珠璣石 煙霞洞 又曰丹崖山下石
之石皆赤色 辟千丈水中小石

狀如珠璣圓潔光瑩可愛宋蘇軾嘗取數百枚養石菖蒲又曰寧海大崑崙山金大定間有王真人謂山前

于姓曰我修煉此山湮霞洞中于未之信乃相與求之果有洞洞口有煙霞二字

蓬萊閣

之罘山

廣輿記曰蓬萊閣在丹崖山閣上望海如鏡忽有若墨豆數點者郡人云海舶至矣不一炊許

已至閣下又曰之罘山在福山三面臨海始皇刻石紀功於此以上登州府

几山輪

井

記纂淵海曰几山在濰縣山形如几一統志曰輪井在府東北

寒亭溫泉

又曰

寒亭在濰縣古寒泥國又曰溫泉在即墨傍有涼泉土人甃池引二泉同注於中以便澡浴

九穴

泊八角池

記纂淵海曰九穴泊在高密西北一統志曰八角池在濰縣以上萊州府

山東省四

增詩晉陸機青州詩曰營邱負海曲沃野爽且平洪川
控海濟崇山入高冥 隋煬帝登州詩曰遠水翻如岸
遙山倒似雲方知小姑射誰復語臨汾 又曰浮天廻
無岸涵靈固非一委輸百谷歸朝宗萬川溢 又萊州
詩曰分空碧霧晴連洲彩雲碧欣同夫子觀深愧元虛
筆 虞茂青州詩曰十洲雲霧遠三山波浪高長瀾疑
浴日連島類奔濤 唐玄宗闕里詩曰地猶鄒氏邑宅
即魯王宮歎鳳嗟身否傷麟怨道窮今看兩楹莫尚與

夢時同 杜甫望岳詩曰岱宗夫如何齊魯青未了造

化鍾神秀陰陽割昏曉盪胸生層雲沒背入歸鳥會當

凌絕頂一覽衆山小 劉禹錫萊州詩曰八月濤聲吼

地來頭高數丈觸山迴須臾却入海門去卷起沙堆似

雪堆 宋蘇軾濱州詩曰橫風吹雨入樓斜壯觀應須

好句誇雨過潮平江水碧電光時掣紫金蛇 又青州

詩曰霜風收綠錦萬頃水雲秋海氣朝成市山光晚對

樓 又登州海市詩曰東方雲海空復空羣仙出沒空

明中蕩搖浮世生萬象
豈有貝闕藏珠宮
心知所見皆幻影
敢以耳目煩神工
歲寒水冷天地閉
為我起蟄鞭魚龍
重樓翠阜出霜曉
異事驚倒百歲翁
人間所得容力取
世外無物誰為雄
率然有請不我拒
信我人厄罪天窮
斜陽萬里孤鳥沒
但見碧海磨青銅
新詩綺語亦安用
相與變滅隨東風

山西省一

增廣輿記曰按山西西據大河東列太行北收代馬之

用南望鞏洛之勝有表裏河山之勢故唐虞夏都焉

山西省二

增廣輿記曰太原府禹貢冀州之域天文參井分野虞
分置并州周叔虞封此曰唐國春秋為晉戰國屬趙秦

曰晉陽曰太原唐曰北京五代唐曰西京宋曰河東金

曰武勇元曰冀寧明為太原府 國朝因之領州五

平定

忻代苛縣二十

陽曲太原榆次太谷祁徐溝清源交城
文水壽陽孟靜樂河曲樂平定襄五臺

繁峙崞
嵐興

又曰平陽府禹貢冀州之域天文觜參分野堯

都平陽即此春秋屬晉戰國屬韓後屬趙秦漢為河東

地後魏曰唐州隋曰平河曰臨汾唐曰晉州五代梁曰

定昌曰建雄宋曰平陽元曰晉寧明為平陽府 國朝

因之領州六

蒲解絳
霍吉陽

縣二十八

臨汾襄陵洪洞浮山趙
城太平岳陽曲沃翼城

汾西蒲臨晉榮河猗氏萬泉河津安邑夏聞喜
平陸芮城稷山絳垣曲鄉寧大寧石樓永和

又曰潞

安府禹貢冀州之域天文參井分野商為黎侯國後為

赤狄潞子國戰國初屬韓後屬趙秦曰上黨後周曰潞

州唐曰昭義宋曰昭德曰隆德元曰潞州屬平陽路明

初為潞州嘉靖中陞為潞安府

國朝因之領縣八

長治

長子屯留襄垣潞城壺關黎城平順

又曰汾州府禹貢冀州之域天文參

分野春秋屬晉後屬魏戰國屬趙秦漢為太原郡地三

國魏曰西河後魏曰汾州北齊曰南朔後周曰介州唐

曰浩州宋曰汾陽元曰汾州屬太原路明萬歷間陞為

汾州府

國朝因之領州一

永寧縣七

汾陽孝義平遙介休寧鄉靈石臨

又曰大同府禹貢冀州之域天文昴畢分野虞周屬并
州春秋北狄所居戰國屬趙秦曰雲中曰雁門曰代郡

後魏曰恒州唐曰雲州五代唐曰大同遼為西京元明

為大同府

國朝因之領州四

渾源應朔蔚

縣七

大同懷仁山陰馬邑

廣靈廣昌靈邱

又曰沁州禹貢冀州之域春秋晉銅鞮地戰國

屬韓後屬趙秦漢為上黨郡地後魏曰義寧隋曰沁州

唐曰陽城宋曰威勝元隸平陽路明為沁州

國朝因

之領縣二

沁源武鄉

又曰澤州禹貢冀州之域天文觜參分

野春秋屬晉戰國屬韓後屬趙秦為上黨高都地漢曰

河東後魏曰建州後周曰高平隋曰澤州曰長平唐曰

蓋州宋屬河東元屬平陽明曰澤州 國朝因之領縣

四陵高平陽城沁水又曰遼州禹貢冀州之域天文參井分野

春秋屬晉戰國屬韓後屬趙秦漢為上黨地後魏曰遼

陽隋曰遼山唐曰遼州曰箕州曰儀州曰樂平宋曰平

定元屬平陽路明為遼州 國朝因之領縣二

榆杜和順

山西省三

增雪山 風穴

記纂淵海曰雪山在岢嵐北東西兩山相峙一統志曰風穴在陽曲西傳云

神至則穴內有聲去則否

五臺

四角

廣輿記曰五臺山五峯高出雲漢即文殊師利所居

清涼山也

一統志曰四角

竦岫

湧泉

一統志曰竦岫在孟

山在平定州其勢四起故名

縣北其形孤峙

又曰

鶯城

象谷

又曰鶯城在清源晉永嘉初洛

湧泉亭在平定州南

陽地陷有二鶯蒼者飛出白者止此劉曜謂為已瑞
築城以應之又曰象谷水在太谷縣源出榆次

懸甕

繫舟

廣輿記曰懸甕山在太原晉水所出
纂淵海曰繫舟山在府東北禹治水繫舟

此山故名

文山

武邨

一統志曰文山在交城
又曰武邨堡在太谷

柳溪

桃山

廣輿記曰柳溪在府西太守陳堯佐築堤植柳數
萬有亭有閣宋郡僚上已泛舟於此一統志曰

桃山在靜樂以上太原府

噴雪

羅雲

記纂淵海曰噴雪巖在解州有泉噴出潔白如雪

一統志曰羅雲山在趙城常有雲氣舒布於上

禹門

舜井

記纂淵海曰禹門渡在河津西

又曰舜井
在蒲州東南

石馬 金龍

一統志曰石馬山在隰州
廣輿記曰金龍池在府

西晉永嘉中有韓媪者偶拾巨卵歸育之得嬰兒字曰
極方四歲值劉淵築平陽城不就募能成者極應募忽
變為蛇令媪舉灰誌後曰憑灰築城可立就果如所言
淵怪之投入山穴間露尾數寸忽有泉湧出成此池

雲津

風陵

一統志曰雲津橋在平水神祠前
興記曰風陵關在蒲州唐聖歷初置 廣

飛虹橋

臥雲觀

一統志曰飛虹橋在襄陵 又曰
臥雲觀在趙城 以上平陽府

抱犢

發鳩

廣輿記曰抱犢山在壺關王烈嘗入山
見一石室中有素書兩卷讀之不辨其

字不敢取默記十數字形歸以問嵇叔夜叔夜盡知之
乃將叔夜往竟失石室所在烈竊嘆曰叔夜未應得道
也 又曰發鳩山在長子山海經發鳩多怪木有鳥名
精衛相傳炎帝小女溺於海化為精衛嘗取西山木石

以埋東海

藍水

白巖

一統志曰藍水在長子又曰白巖山在黎城齊武帝登此山謂

此是天莽口開赤色主殺人可塞之居民遂塗以石灰故名

吞二華 控三秦

宋馮

叔獻詩地形西控三秦遠河勢南吞二華秋以上潞安府

三泉 萬戶

一統志曰三泉

在孝義記纂淵海曰萬戶山在府西堯時洪水沒諸山惟此山不沒所濟者萬戶故名

文谷

武城

一統志曰萬谷河在永寧一名文水又名文谷河又曰武城在介休秦遣武安君白起伐趙經此

因名 八門

六壁

又曰八門城在永寧前趙劉淵遣喬嵩攻西河所築城有八門又曰六

壁府在孝義以上汾州府

虎峪

龍灣

又曰虎峪口在陽和衛境又曰龍灣在應州

金波

玉華

又曰金波泉在蔚州代王故城其味甘美廣輿記曰玉華峯在渾源州即恒

山之左形

飛狐口

倒馬關

記纂淵海曰飛狐口在蔚州漢酈食其說高祖

塞飛狐之口即此

又曰倒馬關在廣昌以上大同府

琴泉

甲水

又曰琴泉山在沁源

下有雲泉廣輿記曰甲水城在州北後魏陽城縣隋改甲水

銅鞮

石盤

記纂淵海曰銅

鞮山在州南廣輿記曰石盤山在武鄉以上沁州

天池

雷澤

記纂淵海曰天池嶺

在州東又曰雷澤在陽城墨子謂舜漁於雷澤即此

梅谷

松嶺

一統志曰梅谷水在

沁水東與杏谷水合流入沁河曰松嶺山在州西南以上澤州

鳳臺

鹿苑又

鳳臺山在和順廣輿記曰鹿苑在和順為趙襄子養鹿處

千畝

九京

一統志曰千畝

泉在州南廣平約千畝廣輿記曰九京山在榆社即九原晉趙文子與叔譽觀乎九原即此以上遼州

山西省四

增詩唐張九齡平陽詩曰魏武中流處軒轅問道回長
堤春樹發高掌曙雲開龍負王舟渡人占仙氣來河津
會日月天仗役風雷東顧重關盡西馳萬國陪遙聞股
肱郡元首詠康哉張說隰州詩曰黃雲隨寶鼎紫氣
逐真人東詠唐虞迹西觀周漢塵暢當蒲州詩曰迴
林飛鳥上高出世塵間天勢圖平野河流入斷山駱
賓王河中府詩曰山路猶南屬河源自北流晚風連朔

氣新月照邊秋

杜甫平陽詩曰姑射聊長望平陽遂

宛然舜耕餘草木禹鑿舊山川

楊景山路安詩曰鼓

角因風飄朔氣旌旗映水發秋光河源收地心猶壯笑

向天西萬里霜

又詩曰天晴紅幟當山滿日暮清笳

入塞長年少功高人最羨漢家壇樹月蒼蒼 周昂平

定軍詩曰再宿殊鷄舍相看獨鵲山旆沾新雨過鳥逐

暮雲還

宋延清澤州詩曰浩渺浸雲根煙嵐出遠邨

望水知柔性看山欲斷魂

宋邵雍寄嵐軍詩曰煙嵐

一簇峙崔巍到此令人心自灰上有神仙不知姓洞門
閑倚白雲開 蕭起汾州詩曰漢家亭起向汾陰俯瞰
中流百尺深昔日遺基微有迹多年古柏自成林 金
趙秉文代州詩曰金波曾醉雁門州端有人間六月秋
萬古山河雄朔部四時風月入南樓漢家戰伐雲千里
唐李英雄土一邱繫馬朱闌重回首煙波誰在釣魚舟
元元好問過應州詩曰平野風埃接戍樓邊城三月
似窮秋人家土屋纔容膝驛路旃車不斷頭隨俗未甘

嘗馬潼敵寒直欲御羊裘十年紫禁煙花繞此日雲山
是應州 袁桷雲州詩曰天闊雲中郡剛風起沈寥
房聯澗曲土屋覆山椒撞布朝朝市通薪戶戶燒遙看
塵起處深羨霍嫖姚 明程敏政朔州行詩曰朔州城
頭塞雲結朔州城下沙如雪赫連古戍白草枯一路角
聲吹不歇居民半是防秋兵十里五里屯軍營偏師夜
坐烽火息飛輓小兒歌太平

御定淵鑑類函卷三百三十六

欽定四庫全書

御定淵鑑類函卷三百三十七

州郡部四

河南
湖廣

陝西

河南省一

增廣輿記曰按河南居中夏之中地形四達東控淮陽
北連趙魏西有成臯雒陽之固南撫汝鄧陳蔡之饒九
州之有河南猶一身之有腹心也 又曰開封宋舊都
河南周故邑令人想先代遺風衛輝地本朝歌懷慶地

通河雒彰德地雜軍民河北土風夙勁故剛而難馴與
汝寧之尚節義南陽之勤稼穡不相侔也歸德地連數
省統轄匪易而人則忠義淳厚居多云

河南省二

增廣輿記曰開封府禹貢兗豫二州之域天文角亢分
野春秋鄭衛陳之境戰國魏都此曰大梁秦屬三川郡
漢為陳留郡地東魏曰梁州曰開封後周隋唐曰汴州
五代梁及宋皆都此曰東京金曰南京元曰汴梁明為

開封府

國朝因之領州四

陳許禹鄭

縣三十

祥符陳留杞通許太康尉

氏洧川鄆陵扶溝中牟陽武原武封鄆延津蘭陽儀封商水西華頂城沈鄆臨潁襄城鄆城長葛新城密滎陽

滎澤河陰汜水

又曰歸德府禹貢兗豫二州之域天文角亢分

野春秋宋地周封微子啓於此秦曰商邱曰亳邑漢曰

睢陽隋唐曰宋州曰睢陽五代曰歸德宋曰應天明初

改歸德州嘉靖中陞為歸德府 國朝因之領州一 睢

縣八

商邱寧陵鹿邑夏邑永城考城虞城柘城

又曰彰德府禹貢冀州之域

天文室壁分野商河亶甲居相即此春秋為晉東陽地

戰國為魏鄴地秦為上黨邯鄲二郡地漢曰魏郡魏曹

操封此曰鄴都後趙前燕並都此後魏曰相州東魏曰

司州北齊都之曰清州五代晉曰彰德金元明及國

朝因之領州一

磁縣六

安陽湯陰臨漳林武安涉

又曰衛輝府禹貢

冀州之域天文室辟分野殷紂所都朝歌地周武王分

北為邶南為鄘東為衛後封康叔於衛戰國屬魏秦屬

河東郡漢屬河內曹魏曰朝歌晉曰汲郡後魏曰義州

唐宋曰衛州金曰和平元明為衛輝府國朝因之領

縣六

汲昨城新鄉
獲嘉淇輝

又曰懷慶府禹貢冀州覃懷地天文

室辟分野商畿內地周初為三監地戰國為魏衛鄭三

國地秦屬三川郡漢曰河內後魏唐曰懷州金曰沁南

元曰懷孟明曰懷慶府 國朝因之領縣六

河內濟源
修武武陟

孟又曰河南府禹貢豫州之域天文柳分野武王克商

定鼎於郊廓成王營洛為王城下都平王自鎬京東遷

乃居王城秦曰三川漢曰河南東漢都此三國魏曰司

州晉亦都此後魏曰洛州後周曰東京隋煬帝徙都此

曰豫州唐曰東都五代梁曰東都宋曰西京金曰中京

曰金昌元曰河南明為河南府 國朝因之領州一 陝

縣十三

洛陽偃師鞏孟津宜陽登封永寧新安澠池嵩靈寶閿鄉盧氏

又曰汝寧府禹

貢豫州之域天文角亢氏分野春秋沈蔡二國地秦屬

潁川漢曰汝南劉宋曰縣瓠後魏曰豫州後周曰舒州

曰濬州唐曰蔡州宋曰淮康金曰鎮南元曰汝寧明曰

汝寧府 國朝因之領州二

信陽

縣十二

汝陽上蔡西平新蔡遂平

真陽羅山確山光山固始息商城

又曰南陽府禹貢豫州之域天文張

分野本夏禹之國周為申伯鄧侯所封地春秋屬楚戰
國屬韓秦置南陽郡治宛漢光武起兵舂陵更始立消
水皆此地隋曰鄧州唐宋曰宛州金曰申州元明及

國朝俱為南陽府領州二

鄧縣十

南陽唐泌陽桐柏鎮
平淅川新野內鄉舞

陽又曰汝州禹貢豫州之域天文張分野春秋楚鄭地

戰國屬韓後屬魏秦屬三川漢屬河南三國魏屬舞陽
晉屬襄城後魏屬魯陽東魏曰北荊州後周曰和州隋
曰汝州唐曰臨汝宋曰陸海元屬南陽明為汝州國

朝因之領縣四

魯山 郊寶
豐伊陽

河南省三

增金堤

玉津

廣輿記曰金堤自滎陽至千乘海口數百里歷代築以禦河記纂淵海曰玉

津園在府南

竹川

柳河

廣輿記曰竹川在汜水又曰柳河一在陳州一在新鄭

鴻溝

龍井

又曰鴻溝在河陰東即楚漢分界處一統志曰龍井在尉氏金時有石如羊首自

天而墜遂成井

聽水

望湖

又曰聽水亭在許州西湖上宋蘇軾卜宅其南又曰望湖臺

在陳州之西園宋張詠築嘗有詩云昨日凭高向西望滿川煙樹雨濛濛范鎮詩臺上望城下迢遙知幾尋湖

光隱隱見多疑柳煙深

柳城

桑落

又曰柳城在西華南一名蜎城世傳為女蜎氏之都

魏鄧艾營犄角時柳舒為陂長後人因名為迎秋臺
柳城 廣輿記曰桑落在陳州孔子絕糧處

迎秋臺

宜春苑

記纂淵海曰迎秋臺宜春苑
俱在府城內以上開封府

碭山

睢水

廣輿記曰碭山在永城漢高帝
隱此 又曰睢水在府城南

漆園

蒙澤

又曰漆園在小

蒙城內莊子為漆園吏即此 又曰蒙
澤在考城莊周生此 以上歸德府

五松

雙桂

一統志曰五松亭在林縣西南五松並生挺然可
愛 記纂淵海曰雙桂堂在湯陰許熙載故居

紫

陌 赤橋

一統志曰紫陌宮在臨漳西北
又曰赤橋宮在臨漳縣東南

金虎

銅

雀 又曰金虎臺在臨漳西南曹操於臺下鑿渠引漳水
入白溝 記纂淵海曰臨漳縣西魏曹操所築中懸

大銅雀高一丈五
尺其瓦可以為硯

狎鷗

觀魚

又曰狎鷗亭觀魚亭
俱在忘機堂前以

上彰
德府

摘星

邀月

廣輿記曰摘星樓在淇縣古朝歌城上
記纂淵海曰邀月樓在府

治中
黑麓 青巖

一統志曰黑麓山在輝縣北
記曰青巖山在淇縣上有水簾洞廣輿

中水可鑒毛髮
以上衛輝府

望嶽

懷川

記纂淵海曰望岳樓在府內臺高百尺為一郡

勝舉 一統志曰
懷川閭在府城內

煉丹

淬劍

又曰煉丹池在濟源縣西天壇山下又

曰淬劍池在脩武
晉嵇康淬劍於此

青山

白澗

又曰青山在府東北倚太行之側林木青

翠 又曰白澗在濟源東
北有懸瀑如練下注沁水

濟瀆

沁河

廣輿記曰濟瀆在濟源縣

其源初發王屋山下沈水既見而伏復出於此為濟
一統志曰沁河在府北源出沁州縣山穿太行遠濟源

經武陟入黃河元郭守敬言沁河雖澆灌猶有漏堰
其餘水東流至武陟北合入御河灌田二千餘頃

萬柳亭

九芝嶺

又曰萬柳亭在濟源隴水北岸

又

以上懷

繡嶺

錦屏

又曰繡嶺宮在陝州李洞詩春草萋萋秋水綠野堂開盡飄香

慶府

玉繡嶺宮前鶴髮翁猶唱開元太平曲

又曰

澗水

錦屏山在宜陽武后幸此賜名上有玉柱峯

靖山

又曰澗水源出澠池白石山東流經新安洛陽入於洛周書所謂澗水東澧水西即此一水

又曰靖山在永寧一名嶽釜山春秋時晉人及羗戎敗秦於靖即此自東靖至西靖相去三十五里路極險絕

七峯

五渡

又曰七峯在嵩縣南山有七尖

又曰五渡水在登封源出嵩山東谷自山頂

下注流為二十八浦山下大潭中有立石高廣平整其水縈委折者五涉故名

九龍

五鳳

記纂淵海曰九龍泉在閩鄉泉有九窟一統志曰五鳳樓在府城內後梁太祖即位羅紹威取魏良材為之

欽定四庫全書

卷三百三十七

宋梁周翰嘗作五鳳樓賦

測影

望氣

廣輿記曰測影臺在登封古陽城縣內周公定此地

為土中立圭測日以驗四時

記纂淵海曰望氣臺在靈寶春秋時有關令尹喜見有紫氣丈餘飛入關尹喜

曰必有異人過此翌日果遇老子駕青牛至

羊角

鹿蹄

一統志曰羊角山在陝州城西

北隅高百丈上有披雲亭

又曰鹿蹄山在宜陽縣俗名非山上多美玉下多金甘出水焉

飲馬

憩鶴

又曰飲馬溝在鞏縣東漢呂布屯軍虎牢飲馬於此又曰憩鶴山在宜陽世傳王子晉得仙

緱嶺乘白鶴憩此

桃林

柏谷

又曰桃林塞在靈寶即武王放牛處又曰柏谷在永寧

劉宋袁湛隨武帝軍至洛陽屯此以上河南府

九曲

三灣

又曰九曲河在信陽南源

出雞頭水又曰三灣河在信陽南

幽蘭

修竹

又曰幽蘭軒在府治內一名幽蘭閣又

曰修竹臺在光州宋盛度詩我來小小郡
愛此高高臺前對蒼簷竹萬竿球琳材

紫水黃

山廣輿記曰紫水在光山
一統志曰黃山在霍山

臨波

環翠

又曰臨波亭
在府治後

又曰環翠
堂在信陽

會景

浮光

又曰會景閣在固始宋紹聖
初建又曰浮光山在光山

一名浮弋山
即弋陽山也

柏亭

杏山

又曰柏亭橋在西平廣
輿記曰杏山在光山即抱

朴子種杏處
以上汝寧府

紫金

白玉

一統志曰紫金山在鄧州
岡阜孤起因為城角又

曰白玉山
在唐縣南

五巖

七峯

又曰五巖山在鄧州山有五
堆連接又曰裕州北三十

里有山七
峯列峙

菊潭

蓮池

廣輿記曰菊潭在內鄉源出
析谷其水重於諸水傍生甘

菊水極甘馨有數十家惟飲此水壽多至百歲之上其
菊莖短花大其味甘美異於他菊一統志曰蓮池在

舞陽北 以

鳳翅

魚齒

又曰邾縣西北有山形若鳳翅 又曰魚齒山在汝

州左傳楚伐鄭次於魚陵涉於魚齒之下即此

崆峒山

娑婆園

廣輿記曰崆峒山在

州西廣成子隱此今有墓莊周述黃帝問道崆峒遂遊襄城登具茨訪大隗皆與此山相接 又曰娑婆園在

邾縣宋崔鷗居也 以上汝州

河南省四

增詩晉阮籍詩曰步出上東門北望首陽嶺下有採薇士上有嘉樹林 宋謝朓銅雀臺詩曰總帷飄井幹尊酒若平生鬱鬱西陵樹詎聞歌吹聲 顏延之詩曰塗

出梁宋郊道由周鄭間前登陽城路日夕望三川 隋

段君彥過故鄴詩曰玉馬芝蘭北金鳳鼓山東舊國千

門廢荒壘四郊通深潭直有菊酒井半生桐粉落粧樓

毀塵飛歌殿空雖臨元武觀不識紫微宮年代俄成昔

惟餘風月同 唐王維送方尊師歸嵩山詩曰仙官欲

住九龍潭旄節朱幡倚石龕山壓天中半天上洞穿江

底出江南瀑布杉松常帶雨夕陽彩翠忽成嵐借問迎

來雙白鶴已曾衡岳送蘇耽 崔湜襄城即事詩曰子

牟懷魏闕元凱滯襄城冠蓋仍為里池臺尚識名山光

晴後綠江色晚來清借問東流水何時到玉京 包融

歎臺詩曰荒臺森荆杞蒙龍無上路傳是古人迹阮公

長歎處 胡曾三陵詩曰春到三陵淑氣和雪初消處

翠嵯峨梅花未知開多少策杖攜壺試一過 杜甫吹

臺詩曰氣酣登吹臺懷古視平蕪芒碭雲一去雁鷺空

相呼 岑參詩曰春城月出人皆醉野戍花深馬去遲

寄聲報爾山翁道今日河南勝昔時 王建詩曰回看

巴路在雲間寒食離家麥熟還日暮數峯青似染商人
說是汝州山 宋汪元量封丘詩曰今夜宿封邱明朝
過汴州雲橫遮遠塞水落見長洲樹折棗初剥藤枯瓜
未收傾囊沽一斗聊以慰羈愁 劉子翬豐樂樓詩曰
梁園歌舞足風流美酒如刀解斷愁憶得承平多樂事
夜深燈火上樊樓 劉敞玉津園詩曰垂楊冉冉臨清
簾細草茸茸覆路沙長閉園門人不入禁渠流出雨殘
花 孔武仲發蔡州詩曰悠悠清曉歷長陂楊柳溝塍

雁鷺池風色著人寒料峭日光生野煖融怡鶴歸雲海
心空在雁渡湖天力已疲客路馳驅元不定西遊應有
再來時 明薛瑄滎陽懷古詩曰蕭蕭涼吹動秋空千
古山河一望中廣武連營秋草碧鴻溝分壤夕陽紅石
麟有甲含蒼蘚鐵馬無聲散曉風何限英豪俱泯滅白
雲依舊出層峯 瞿祐汴梁懷古詩曰歌舞樓臺事可
誇昔年曾此擅豪華尚餘艮嶽排蒼昊那得神霄隔紫
霞廢苑草荒堪牧馬長溝柳老不藏鴉陌頭盲女無愁

恨能撥琵琶說趙家

陝西省一

增廣輿記曰按陝西南通楚蜀東連豫冀西介番夷北抵沙漠山河四塞形勝甲天下西安殷富秦以之興而漢唐以為都所謂金城千里者也次則鳳翔稍饒足若延安慶陽平涼近邊臨洮鞏昌鄰接羌番原野蕭條未可與西鳳同語漢中襟喉巴蜀洮岷西寧地入西羌甘涼以西暨肅州藉為內地藩蔽猶榆林之蔽延安花馬

池之蔽慶陽固原之蔽平涼莊浪之蔽臨洮岷文之蔽
鞏昌焉爾

陝西省二

增廣輿記曰西安府禹貢雍州之域天文井鬼分野周
王畿地秦曰關中漢初曰渭南曰內史武帝立京兆馮
翊扶風為三輔東漢曰雍州唐曰關內曰祐國自周秦
漢晉西魏後周隋唐並都於此五代梁曰永平晉曰晉
昌宋曰永興元曰安西曰奉元明為西安府 國朝因

之領州六

商同華耀乾邠

縣三十一

長安咸寧咸陽興平鄠藍田臨潼高陵涇陽三原藍

屋渭南富平醴泉雒南鎮安商南山陽朝邑韓城邠陽澄城白水華陰蒲城同官武功永壽三水淳化長武

又曰漢中府禹貢梁雍二州之域天文井鬼翼軫分野

春秋戰國屬秦與楚秦曰漢中漢高祖初為漢王都此

魏曰梁州後周曰漢川唐宋元曰興元明為漢中府

國朝因之領州一

寧縣八

南鄭褒城城固西鄉洋鳳沔略陽

又曰鳳翔

府禹貢雍州之域天文井鬼分野周岐周地春秋秦地秦為內史地漢曰右扶風與京兆左馮翊為三輔晉曰

秦國後魏曰秦平西魏曰岐陽隋曰岐州唐曰鳳翔曰

西京五代曰關西宋曰秦鳳金曰天興元明曰鳳翔

國朝因之領州一

隴縣七

鳳翔岐山扶風郿寶雞汧陽麟遊

又曰延安

府禹貢雍州之域天文井鬼分野春秋白翟所居秦上

郡地漢曰翟國後魏曰統萬曰金明曰東夏西魏曰延

州隋唐曰延安後唐曰彰武宋金元明曰延安府國

朝因之領州三

鄜綏德葭

縣十六

膚施安塞甘泉保安定宜川延長青澗延川洛川

中部宜君米脂神木府谷吳堡

又曰平涼府禹貢雍州之域天文井鬼

分野春秋朝那地秦北地郡漢曰安定後魏曰武州隋
唐曰平涼宋曰涇原金元明為平涼府 國朝因之領

州三

固原涇
靜寧

縣七

平涼華亭鎮原崇
信靈臺莊浪隆德

又曰慶陽府禹貢

雍州之域天文井鬼分野周之先不窋所居號北豳春

秋為義渠戎國秦曰北地東漢至晉復陷於戎後魏曰

翔州隋曰慶州曰弘化唐曰安化曰順化曰安定五代

曰武靜宋曰慶陽金曰安國曰安定曰慶原元明為慶

陽府 國朝因之領州一

寧縣四

安化合水
環真寧

又曰臨洮

府禹貢雍州之域天文井鬼分野戰國西羌所居秦漢

曰隴西晉曰狄道劉宋曰武始隋曰金城唐曰臨州曰

臨洮宋曰鎮洮曰熙州金元明為臨洮府 國朝因之

領州二

蘭

縣三

狄道渭源金

又曰鞏昌府禹貢雍州之域天

文井鬼分野春秋羌戎所居秦屬隴西郡漢曰天水東

漢曰漢陽曰南安唐曰渭州宋曰鞏州金元明為鞏昌

府 國朝因之領州三

徽階秦

縣十四

隴西安定通渭漳會寧伏羌寧遠西

和成兩當文清水秦安禮

又曰興安州禹貢梁雍二州之域天文井

鬼分野周為庸國地春秋戰國屬楚秦屬漢中郡東漢
末分置兩城郡魏曰魏興郡梁曰東梁州西魏曰金州
隋曰西城唐曰金州曰安康郡曰漢南郡又置昭信軍
改昭戎軍王建改雄武軍宋改昭化軍紹興後屬利州
路元屬興元路明初曰金州改興安州屬漢中府 國

朝陞為直隸州領縣六

平利石泉漢陰
洵陽白河紫陽

又曰寧夏衛禹

貢雍州之域天文井鬼分野春秋羌戎地秦漢曰朔方
晉夏赫連勃勃都此後魏曰夏州西魏曰弘化後周曰

欽定四庫全書

御定淵鑑類函

卷三百三十七

十三

懷遠唐曰夏州曰朔方宋曰興州曰興慶曰中興元曰
寧夏明初為府後改寧夏衛 國朝因之 又曰寧夏
中衛唐靈州地元置應理州明建寧夏中衛隸陝西都
司領千戶所五 國朝因之 又曰洮州衛禹貢雍州
之域天文井鬼分野秦漢諸戎地晉為吐谷渾所據後
周曰洮陽隋曰臨洮唐宋金曰洮州明置洮州衛隸陝
西都司領千戶所五 國朝因之 又曰岷州衛禹貢
雍州之域天文井鬼分野古西羌地秦曰臨洮魏隋唐

曰岷州宋曰西和明改置岷州衛隸陝西都司領千戶
所四軍民千戶所一 國朝因之 又曰河州衛禹貢
雍州之域古西羌地秦漢屬隴西隋曰枹罕唐曰河州
曰安鄉金元俱曰河州明置衛隸陝西都司領千戶所
六 國朝因之 又曰靖魯衛禹貢雍州之域古西羌
地秦屬隴西漢屬金城後魏曰會寧唐曰粟州曰西會
曰會寧宋曰敷文金曰保川明置靖魯衛領千戶所四
國朝因之 又曰榆林衛禹貢雍州之域古戎狄地

秦屬雲中漢五原郡地隋唐曰勝州曰榆林明正德置
榆林衛隸陝西都司 國朝因之 又曰陝西行都司
禹貢雍州之域天文井鬼分野漢月支國地武帝時置
酒泉武威張掖西平金城五郡以斷匈奴右臂晉時張
軌據之為前涼呂光為後涼李暠號西涼沮渠蒙遜號
北涼後魏曰西涼西魏曰甘州唐沒於吐蕃宋金俱為
夏所據元為甘肅路明置陝西行都指揮使司領衛十
二守禦千戶所二 國朝因之

陝西省三

增雁塔

鴻臺

一統志曰雁塔在慈恩寺中唐時進士題名于上又曰鴻臺在漢長樂宮中

金泉

錫谷

又曰金泉在淳化世傳目昏者洗之可明又曰錫谷在府東南有路至歸安

鎮合義谷路通漢中府

細柳

長楊

記纂淵海曰細柳原在昆明池南廣輿記曰長楊

宮在盤厓秦離宮

白堂

紫閣

一統志曰白堂山在蒲城舊圖經秦白起立塞於此又

曰紫閣峰在鄠縣東南杜甫詩紫閣峯陰入漢陂

藍田

赤水

又曰藍田山在藍田東南

山出玉英又曰赤水在渭南東以水色名赤

馬嵬

鹿苑

又曰馬嵬坡在興平西唐楊妃

葬處坡有馬嵬泉久涸明洪武中其旁湧出一泉又曰鹿苑原在高陵

七盤

萬斛

廣輿

記曰七盤山在藍田縣南杜氏通典七盤十二縵藍關之險路也 記纂淵海曰萬斛山在富平東北山有石

形如斗斛者以萬數

落雁 蟠龍

一統志曰落雁峯在華山唐李白登之曰此山最高呼吸

之氣想通帝座矣恨不攜謝朓驚人詩來以問青天耳又曰蟠龍原在蒲城唐明皇遊此見雲霧中有黃龍

狀乃於下得石狀似蟠龍因名 以上西安府

望雲 待月

又曰望雲樓在舊洋州郡圃唐

德宗幸梁洋嘗登是樓御題一字於上及還京鑿取以歸 又曰待月臺在洋縣舊郡圃中

玉笛

石籌

又曰玉笛臺在府城東又曰石籌山在城固

豆積 米倉

又曰豆積山在

鳳縣治北上有不老泉世傳張果老隱處 廣興記曰米倉山在府城西南蕭何追韓信至此

凝雲

吸月

一統志曰凝雲榭在府園宋文同詩朝雲南山吐暮雲北山翕來往高榭中留者頗堆積 又

曰吸月亭在鳳縣舊郡
國宋建簷外多植杏

藏劍

卓筆

又曰藏劍巖在褒城漢高祖為

王時嘗藏劍於此

方輿勝覽

披錦

擁翠

又曰披錦亭在

洋縣宋蘇軾寄文同詩煙紅霧綠曉風香燕舞鶯啼春日長誰道使君貧且老繡屏錦帳咽笙簧一統志曰

擁翠亭在洋縣北望泰山叢
峯疊嶂雲霧顯晦甚為奇觀

玉谷水

寶頂山

又曰玉谷

水在城固漢水自魏興沂流一百八十里至玉谷溪口
又曰寶頂山在府西南上多生芝草以上漢中府

鳳泉

鴻澤

廣輿記曰鳳泉驛
鴻澤亭俱在扶風

石鼻

金牙

記纂
鴻澤

曰石鼻寨在寶雞東諸葛亮所築以拒
郝昭一統志曰金牙關在寶雞東南

青峯

紫塤

記纂淵海曰青峯山在寶雞峯巒蒼翠故名一統
志曰紫塤山在隴州南色如堆紫以上鳳翔府

葦谷

柳湖

廣輿記曰葦谷在鄜州唐鄭玉詩水會三川漾碧波雕陰人唱採花歌舊時白翟今

荒壤葦谷淒淒風雨多記纂淵海曰柳湖在府南宋范仲淹詩種柳穿湖後延安盛可遊遠懷忘澤國真賞

即瀛州

龍尾水

鳳翅山

一統志曰龍尾溪記纂淵海曰鳳翅

山在宜川東南

葭蘆河

一統志曰葭蘆河在葭州岸多蘆葦故名又曰蘭

芝谷在宜君以上延安府

百泉

三水廣輿記曰百泉在涇州西泉眼百餘大旱不涸記

纂淵海曰三水在鎮原東北泉水三派會歸一川

皂鶴

青龍

一統志曰皂鶴洞在崆峒

山東巖之半上有皂鶴每見必主兵革又曰青龍洞在翠屏山上雨晴雲輒歸洞一名歸雲洞游師雄詩相

傳雷雨收片歸雲白

乘風橋

凌雲閣

又曰乘風橋在府東又名漱浴橋又曰

凌雲閣在玉山巔下臨萬仞
常有雲氣 以上平涼府

鳳川

馬嶺

廣興記曰
鳳川在合

水其水清澈多鷗鷺春月邑人冶游於此
記纂淵海
曰馬嶺在安化一名箭括山漢之牧地上有果實猿鳥

巖洞
幽邃

玉梅

紅柳

又曰玉梅川在合水東與延鵠川
俱出子午山東流入華池水 又

曰紅柳池在府北周圍二十六里
石溝池在其西蓮花池在其東

景山

華池

一統志曰

景山在府西山多奇木怪石及獐鹿猿猴之屬 又曰
華池水在合水東北來自保安縣至此合豹子川平戎

川苗邨溝諸水流入廊
州界 以上慶陽府

柳溝

榆谷

記纂淵海曰柳
溝在蘭縣東

廣興記曰蘭縣西有大小榆谷漢西羌
居此緣山濱水以廣田畜故至强大

白石

紅泥

記纂淵海曰白石山在蘭縣東南以山多
白石故名 一統志曰紅泥泉在蘭縣東

金城

銀

川記纂淵海曰金城關在蘭縣北

廣輿記曰銀川驛在河州

臨川閣 望江樓

又曰臨川閣在府城中下臨清流擘一郡之勝

赤谷

青泥

又曰赤谷在秦州有赤谷川唐杜甫詩晨發赤谷亭艱險方自茲又曰青泥山在徽州界唐

史喻詩嶺接青泥入劍天

華川 寶井

廣輿記曰華川在通渭草茂水清一統志曰寶井

山在成縣東南

鸞鷟

鳳凰

又曰鸞鷟山在兩當古鳳州以此得名又曰鳳凰山在成縣

東南漢世曾有鳳凰棲其上山有瀑布名迸璣泉唐哥舒翰有題宛然半巖間

黃廬 紫燕

又曰黃廬洞在成縣北中有塊石其色青黃形夭矯若蜃然廣輿記曰紫燕山在寧遠上有石洞奇絕

花石峽

藥水泉

一統志曰花石峽在階州北峽中有石青質黑理其文有松柏人物溪橋

水石山林樓屋日月之狀可為屏
又曰藥水亭在成縣以上鞏昌府

崆峒

渥洼

廣興

記曰崆峒山在肅州史記黃帝披山通道西至崆峒
即此又曰渥洼水在沙州漢時天馬生渥洼中

紅泉

白水

一統志曰紅泉在涼州城東水色微紅又曰白水源出肅州衛

積石

鳴沙

又曰積石山在西寧即禹導河之所又曰鳴沙山在沙州城峯嶸危峻沙如乾糖天氣清朗

時沙鳴聞於城內其沙或墮經宿復還山上

馬支山

居延海

廣興記曰馬支山在

山丹衛城西北

又曰居延海在都司以上陝西行都司

陝西省四

增詩晉三秦記民謠曰武功太白去天三百孤雲兩角

去天一握山水險阻黃金子午蛇盤烏攏勢與天通

北魏溫子昇涼州樂歌曰遠遊武威郡遙望姑臧城車
馬相交錯歌吹日縱橫路出玉門關城接龍城坂但事
弦歌樂誰道山川遠 又燉煌樂詩曰客從遠方來相
隨歌且笑自有燉煌樂不減安陵調 梁庾肩吾隴西

詩曰借問隴西行何當驅馬征草合前迷路雲濃後暗
城寄語幽閨妾羅袖勿空縈 唐王維送李太守赴上
洛詩曰商山包楚鄧積翠靄沈沈驛路飛泉灑關門落

照深野花開古戍行客響空林板屋春多雨山城晝欲
陰甘泉通號略白羽抵荆岑若見西山爽應知黃綺心
朱慶餘熙州詩曰玉關西路出臨洮風卷邊塵入馬
毛寺寺院中無竹柳家家壁上有弓刀惟憐戰士垂金
甲不尚遊人著白袍深巷獨吟秋色裏平原一望戍樓
高 無名氏商州詩曰和如春晚靜如秋五月商山是
勝遊當晝火雲生不得一溪分作萬重流 唐彥謙題
邵陽劉仲城詩曰千載遺踪寄薜蘿沛公鄉里漢山河

長陵亦是閒丘隴異日誰知與仲多 崔顥華州詩曰

岌嵒大華俯咸京天外三峯削不成河山北枕秦關險

驛路西連漢時平 杜甫九成宮詩曰蒼山入百里崖

斷如杵白層宮憑風迴岌嵒土囊口 又鄜州詩曰三

川不可到歸路晚山稠落雁浮寒水飢鳥集成樓 又

東柯谷詩曰傳道東柯谷深崖數十家對門籐蓋瓦映

竹水穿沙 又秦中雜詩曰秦州城北寺傳是隗躡宮

苔蘚山門古丹青野殿空月明垂葉露雲逐度溪風清

渭無情極愁時獨向東 又曰莽莽萬重山孤城山谷

間無風雲出塞不夜月臨關屬國歸何晚樓蘭斬未還
煙塵一長望衰颯正摧顏 又曰雲氣接崑崙涔涔塞

雨繁羌童看渭水使客向河源煙火軍中幕牛羊嶺上

邨所居秋草靜正閉小蓬門 又曰萬古仇池穴潛通

小有天神魚人不見福地語真傳近接西南境長懷十

九泉何時一茅屋送老白雲邊 又曰邊秋陰易夕不

復辨晨光簷雨亂淋幔山雲低度牆鷓鴣窺淺井蚯蚓

上深堂車馬何蕭索門前百草長
劉禹錫送令狐相

公鎮梁州詩曰雲裏褒中樹風煙漢上城
前旌轉谷去

後騎踏橋聲
李延壽詩曰一株膏渥人爭賞寧似延

安花滿山遠近隨風香馥郁高低迎日錦
爛斑
無名

氏合水縣玉泉詩曰山股逗飛泉泓澄
傍巖石亂垂寒

玉條碎灑真珠滴
又寧川泉詩曰澄波涵萬象明鏡

瀉天色有時乘月來賞詠還自適
方干路入金州絕

句曰棹尋椒岸索迴去數里時逢一兩
花知是從來貢

金處江邊牧豎亦披沙 宋蘇軾磻溪石詩曰聞道磻

溪石猶存渭水頭蒼崖雖有迹大釣本無鉤 王慶長

過華州詩曰拔地三峯冷翠微落巖飛瀑噴珠璣十丈

玉蓮秋不謝半楞掌月晝還飛 游師雄崆峒詩曰崆

峒一何高崛起乾坤闢峻極倚杳冥崢嶸亘今昔 又

野石橋詩曰石橋跨兩岫野叟嘗遠蹠旁有枰碁處云

是神仙爽 又雪山詩曰寒光欺夏日素彩爍天河自

笑經過客相看髮易皤 陸游漢中詩曰雪棧屏山日

月遊馬蹄初喜踏梁州地連秦雍川原壯水下荆揚日

夜流 蔣之奇慶陽府詩曰陝右號名郡慶陽乃雄鎮

臨邛多時才結構甚闕峻城端聳華閣千里歸一瞬不

窰陵廟存其旁接烽燼人家住深崦簷瓦俯可認陶穴

尚遺風前書自傳信俯窺鵞池泉窈黑深萬仞黃流繚

如帶激激似湍迅地險誠在茲賊騎安可近 金蔡松

年銀州道中詩曰小渡霜螯賤於土重崑野菊大如錢

此時最憶涪翁語無酒令人意缺然 明王律蘭州詩

曰洮雲隴草都行盡路到蘭州是極邊誰信西行從此
始一重天外一重天 郭登甘州即事詩曰黑河如帶
向西來河上邊城自漢開山近四時常見雪地寒終歲
不聞雷牦牛互市番氓出宛馬臨關漢使回東望玉京
將萬里雲霄何處是蓬萊 薛蕙涼州詞曰隴西西去
抵涼州邊塞蕭條處處愁青草不生青海曲黑雲常聚
黑山頭

湖廣省一

增廣輿記曰按湖廣大江中貫五溪外錯漢水為帶衡
岳為鎮洞庭雲夢為池此形勢之大縣也荊州當巴蜀
之衝鄖陽綰商陝之要襄德北枕河雒辰沅南蔽滇黔
邨永上連兩粵蘄黃下接三吳地之四通五達莫楚若
矣

湖廣省二

增廣輿記曰武昌府禹貢荊州之域天文翼軫分野周
夷王時屬楚自楚熊渠封其子紅為鄂王始名鄂渚春

秋曰夏汭秦屬南郡漢曰江夏三國吳曰武昌都此劉

宋曰郢州隋唐曰鄂州五代唐曰武清宋曰鄂州元明

為武昌

國朝因之領州一

興縣九

江夏武昌嘉魚咸寧蒲圻崇陽通城

大冶通山又曰漢陽府禹貢荊州之域天文翼軫分野春秋

鄭國地戰國屬楚秦屬南郡漢屬江夏三國屬魏後屬

吳唐曰沔州曰漢陽宋廢為縣元明為漢陽府 國朝

因之領縣二

漢陽漢川

又曰黃州府禹貢荊州之域天文翼

軫分野春秋黃國地後屬楚楚徙邾君於此曰邾城秦

屬南郡漢曰西陵屬江夏三國魏為重鎮後屬吳晉曰

西陽南齊曰齊安曰蘄州隋曰永安唐曰黃州元隸河

南明為黃州府 國朝因之領州一蘄縣八黃岡羅田黃安蘄水

麻城黃陂廣濟黃梅 又曰鄖陽府禹貢荊豫二州之域天文翼軫

分野古廩國地春秋屬楚為錫穴漢為錫縣隋曰鄖鄉

唐曰南豐曰淅州宋為均州元為鄖縣明初為淅州屬

襄陽成化陞鄖陽府 國朝因之領縣六鄖房保康竹山鄖西竹溪

又曰襄陽府禹貢荊豫二州之域天文翼軫分野周為

穀鄧地春秋屬楚秦漢屬南郡三國魏曰襄陽晉曰荆

州東晉曰雍州西魏曰襄州隋曰山南唐宋元明曰襄

陽府 國朝因之領州一

均縣七

襄陽光化宜城南漳棗陽穀城

又曰

安陸府禹貢荊州之域天文翼軫分野春秋戰國屬楚

曰郢中秦屬南郡漢曰雲杜齊曰竟陵三國魏曰郢州

梁為南司北新二州境西魏曰安州曰溫州後周曰石

城唐曰京山曰富水元曰安陸明初為安陸州嘉靖初

陞為承天府 國朝改安陸府領州二

沔陽荆門

縣五

鍾祥京山

潛江景陵當陽

又曰德安府禹貢荊州之域天文翼軫分野周

職方氏荊州澤數曰雲夢即此地春秋曰鄆子國秦屬南郡漢屬江夏劉宋曰安陸西魏曰安州後周曰鄆州唐曰安黃五代曰宣威曰安遠宋曰德安元隸黃州明初改為州仍隸黃州後改為德安府 國朝因之領州一隨縣五

安陸應城雲夢孝感應山

又曰荊州府禹貢荊州之域天

文翼軫分野春秋為楚郢都秦拔郢置南郡漢曰臨江曰荊州三國初屬蜀漢後屬吳晉曰新郡梁元帝都此

隋唐曰江陵曰南都宋曰荆南元曰中興明為荊州府

國朝因之領州二

夷陵

縣十一

江陵公安石首監利枝江松滋遠安宜都

長陽巴東興山

又曰長沙府禹貢荊州之域天文翼軫分野軫

旁有小星曰長沙應其地周曰星沙春秋戰國楚黔中

地昔熊繹封此曰熊湘秦漢曰長沙三國初屬蜀漢後

屬吳晉曰湘州隋唐曰潭州宋曰武安元曰天臨明為

長沙府

國朝因之領州一

茶陵

縣十一

長沙善化湘潭湘陰寧鄉瀏陽

醴陵益陽湘鄉攸安化

又曰寶慶府禹貢荊州之域天文軫分野

春秋戰國屬楚秦漢屬長沙郡三國吳曰邵陵隋曰建

州唐曰邵州曰邵陽五代曰敏州宋元明曰寶慶國

朝因之領州一

武岡縣四

邵陽新化城步新寧

又曰岳州府禹貢荆

州之域天文翼軫分野周三苗地春秋麋國羅國地戰

國屬楚秦長沙郡地三國吳為重鎮晉曰建昌劉宋曰

巴陵梁曰巴州隋唐曰岳州宋曰岳陽元曰岳州路明

初為州尋陞為府國朝因之領州一

澧

縣七

巴陵臨湘平江

華容石門慈利安鄉

又曰常德府禹貢荊州之域天文翼軫分野

商周時為蠻蜃所居春秋戰國屬楚秦曰黔中漢曰武

陵曰義陵

項羽弑義帝武陵人縞素而哭漢高帝聞而義之故名

三國初屬蜀後

屬吳梁曰武州曰沅州隋唐曰朗中宋曰鼎州曰常德

元明曰常德府 國朝因之領縣四

武陵桃源龍陽沅江

又曰辰

州府禹貢荊州之域天文翼軫分野古蠻夷地春秋屬

楚秦屬黔中漢屬荊州陳曰沅陵隋曰辰州唐曰盧溪

宋屬湖北路元明為辰州府 國朝因之領州一

沅縣

六

沅陵瀘溪淑浦辰溪黔陽麻陽

又曰衡州府禹貢荊州之南境天文

翼軫分野春秋楚地秦屬長沙郡漢分屬桂陽三國吳

曰湘東曰衡陽梁曰衡州隋曰衡山唐宋曰湖南元明

為衡州府 國朝因之領州一

桂陽縣九

衡陽安仁衡山耒陽常寧鄧嘉

耒臨武藍山

又曰永州府禹貢荊州之域天文翼軫分野春

秋戰國楚南境秦屬長沙漢曰零陵三國屬吳晉曰營

陽梁曰永陽隋唐宋曰永州元明曰永州府 國朝因

之領州一道縣七

零陵祁陽東安寧遠江華永明新田

又曰靖州禹貢荆

州之域天文軫分野秦黔中地漢屬牂柯郡唐曰誠州

宋曰渠陽曰靖州元屬辰州路明初陞為府尋改為州

國朝因之領縣四

天柱會同
通道綏寧

又曰郴州禹貢荊州之

域天文翼軫分野春秋戰國屬楚秦屬長沙郡項羽徙

義帝都郴即此漢曰桂陽三國屬吳隋唐曰郴州五代

敦州宋元明為郴州

國朝因之領縣五

永興宜章桂
陽興寧桂東

又曰施州衛軍民指揮使司禹貢荊梁二州之域天文

翼分野春秋戰國屬楚秦屬黔中漢屬南郡三國吳曰

沙渠晉曰夜郎後周曰亭州曰清江隋曰庸州曰施州

唐曰清化宋元屬四川明置施州尋省州入衛城國

朝因之又曰保靖司禹貢荊州之域天文翼軫分野

隋為辰州地唐屬溪州宋曰保靜元曰保靖置保靖軍

民宣慰使司領長官司二國朝因之又曰永順軍

民宣慰使司禹貢荊州之域天文翼軫分野古蠻夷地

春秋楚境秦屬黔中漢屬武陵唐曰溪州曰靈溪宋曰

永順曰永溪元彭萬潛為永順安撫司後彭天寶改宣

撫司明置永順軍民宣慰使司國朝因之

湖廣省三

增龍角

虎頭

一統志曰龍角山在興國州兩峯相對本名龍耳唐改龍角又曰虎頭山在

武昌東舊名鳳穴吳黃龍初有鳳集於此舊有鳳凰臺

魚嶽

龜湖

又曰魚嶽山在嘉魚

水經注魚嶽山在大江中揚子洲南今去水已遠山在平地又曰龜湖山在嘉魚西南近山有龜湖故名

八分

九曲

廣輿記曰八分山在府東南有水分流如八字有八分湖八分院又曰九曲

嶺在樊山南曲有九折

萑湖

箬谷

一統志曰萑湖有二一在嘉魚一在蒲圻又曰箬

谷在武昌縣西之寒溪

赤壁

翠屏

方輿勝覽曰赤壁山在東南即周瑜焚曹操船處北

與烏邨相對今江漢間言赤壁者五漢陽漢川黃州嘉魚江夏者合於史一統志曰翠屏山在通山

黃鵠 白羊

廣輿記曰黃鵠山在府西南一名黃鶴山世傳仙人騎黃鶴過此因名一統志曰

白羊山在通山東晉時有三人乘白羊入此山故名

龍蟠山

鳳棲山

一統志曰龍蟠

山在武昌東北江上舊有龍蟠於此庾信哀江南賦龍蟠鳳集之所又曰鳳棲山在大冶

飛雲

洞 湧月臺

廣輿記曰飛雲洞在大冶回山之巔元結讀書處一統志曰湧月臺在黃鶴樓傍

金沙洲 銀山寺

又曰金沙洲在府城西南大江中又曰銀山寺在興國州北後有

石壁宋蘇軾與李仲覽遊翫過此書鐵壁二字世傳為銀山鐵筆

流浪湫

散花洲

又曰流浪湫在武昌東廣輿記曰散花洲在大冶周瑜破曹操兵釀酒散花勞軍於此

蘋花溪

松風閣

又曰蘋花溪在咸寧南相傳洪崖先生煉丹之地嘗有老姥採蘋於此問之曰吾鮑姑也

忽不見 方輿勝覽曰松風閣在武昌
西山寺宋黃庭堅所題 以上武昌府

梅山 柏水

一統志曰梅山在府西其上多梅
又曰柏水在府北柏泉寺前

煉丹井 卓錫泉

又曰煉丹井在九真山
又曰卓錫泉在府西

煙波灣

寶花臺

方輿勝覽曰煙波灣

在府東北唐崔顥詩煙波江上使人愁
一統志曰寶花臺在漢川 以上漢陽府

聚寶散

花方輿勝覽曰聚寶山在府治北山多小石日照之紅
黃粲然宋蘇軾作怪石供即此石也 一統志曰散

花洲在黃梅大江之北周
瑜戰勝鵠士散花於此

棲霞

噴雪

又曰棲霞樓在府治西南

坐揖江山之勝蘇軾詩黃州在何處與子上
棲霞 又曰噴雪崖在龜峯山泉飛流如雪

鳳陂

鴻軒 又曰鳳陂在麻城舊傳曾有鳳浴於此 廣輿記
曰張耒初謫黃州監酒稅繼為判又為守凡三至

榜其所居
曰鴻軒

洄瀾

疊嶂

一統志曰蕪水縣南蘭溪蘇軾遊此見水盤旋書洄瀾二

字於石壁後人因立亭

又曰疊嶂亭在蕪水

涵輝

環翠

又曰涵輝樓在府治內宋韓琦

詩臨江三四樓次第壓城首山光徧軒楹波影撼窓牖又曰環翠亭在蕪州子城

黃梅水

綠楊橋

又曰黃梅水源出黃梅山南流入威湖又曰綠陽橋在蕪州蘇軾曾夜醉乘月臥此橋既覺

作詞云解鞍歌枕綠楊橋杜宇數聲春曉

七星石

九螺山

又曰七星石在廣濟東其

石如七星布列又曰九螺山在麻城昔張慙子隱此自號九螺山逸人

臨臯亭

橫江

館廣輿記曰臨臯亭在府城南蘇軾嘗寓此王介甫居鍾山有客自黃州造訪介甫問曰子瞻近日何作對

曰曾醉臥臨臯亭起而作寶相記千餘言但點定一兩字耳副本適在舟中介甫立索至從月下展讀歎曰子

瞻人中龍也 一統志曰橫江館在赤壁山南晉龍驤將軍蒯恩建唐杜牧詩外家兄弟晉龍驤馳騁功名業

帝王畢竟江山誰是主苔磯空屬釣魚郎

龍驤水

鴻宿洲

又曰龍驤水在黃陂相傳

晉龍驤將軍王濬屯軍處 又曰鴻宿洲在蘄州西大江中秋冬鴻集其上

俊逸亭 清

淨井

又曰俊逸亭在黃梅縣鮑照墓前 又曰清淨井在廣濟縣治左昔四祖禪師父司馬氏為本縣令

飲是泉禪師生時汲此水浴之又名浴佛泉

白龜渚

玉蟾池

晉書曰毛寶守郗城

城陷初寶軍人於武昌市買一龜寶令養之漸大放之江中及郗城之敗養龜者投於水如墜石上視之乃先

所養龜載之東岸獲免 又曰玉蟾池在黃梅東北昔人鑿池得白石狀類玉蟾

君子巖

仙人洞

一統志曰君子巖在石鼓山之陰山頂有泉巖內有石碗石臼 又曰仙人洞在蘄州東以

上黃州府

白馬

黃龍

方輿勝覽曰白馬山在竹山曹操歎金城千里即此又曰黃龍山

在上

鳳溪

鰲水

記纂淵海曰鳳溪鰲水在竹山

九室山

千尺

井廣輿記曰九室山在房縣陳搏修煉之處又曰千尺井在竹山宋殷隱容家濬井千尺無水濬者不覺

至一國題云梯仙國北還家

沈碑

解珮

方輿勝覽曰沈碑潭

已三世矣以上鄖陽府

在萬山杜預南征勒碑紀功一立山上一沈山下潭中曰馬知後此不為陵谷乎廣輿記曰鄭交甫游漢皋

遇二女佩兩珠交甫與言願得子之佩二女解佩以贈之交甫懷去十餘步探之亡矣回視二女亦失所在

濯筆

磨鍼

一統志曰濯筆池在府城南虎頭山相傳漢昭烈濯筆於此廣輿記曰磨鍼

澗在太和山北即真武遇老嫗處也澗之右有臺陳希夷誦經於此

鳳林

鹿門

一統志曰

鳳林關在峴山羊祜廟內
與勝覽曰鹿門山在府東南

清涼河

滄浪水

一統

志曰清涼河在南漳
在均州即禹貢滄浪之水
廣輿記曰滄浪水
以上襄陽府

青泥白

雪

一統志曰青泥池在楠木山三國志樂進與關羽相
距青泥山即此
方輿勝覽曰白雪樓在府北石城

西邊下臨漢江取宋玉陽春白雪之辭為名唐劉賓詩
江上樓高十二梯梯登盡與雲齊人從別浦經年去
天向平蕪儘眼低寒色不堪長黯黯秋光無奈
更淒淒闌干曲盡愁無盡水正東流月正西

却月

撒花

一統志曰撒花臺在景陵廣百餘丈嘗有異花
撒馬
又曰却月城在江口即漢末黃相所守

者雁橋

鰲湖

廣輿記曰雁橋在景陵世傳得陸羽
處初見鴻集西陂覆小兒於下僧史

積收育之因以雁名其橋
一統志
曰鰲湖在府城東
以上安陸府

釣魚

渡蟻

與

勝覽曰釣魚臺在府西石淙村唐郝處俊遺迹廣興
記曰渡蟻橋在應山宋宋庠宋祁少時遇胡僧相曰小
宋他日魁天下後十年僧驚問大宋曰公丰神頓異如
能活萬命者試思之庠曰堂下有蟻穴為暴雨所侵吾
作竹橋渡之耳僧曰是也比唱第章憲太后謂弟
不可先兄乃擢庠第一而置祁第十橋名以此九

井三山

一統志曰九井在屬山有兩重壑中有九井
相傳神農既育九井自穿汲一井則衆井皆

動又曰三山在孝感
三峯鼎立一名大洪山

鸚鵡

驕驕

又曰鸚鵡山在
隨州廣興記

曰驕驕陂在隨州白雲鄉左傳唐成
公有兩驕驕因名以上德安府

絳雪

白雲

方

勝覽曰絳雪堂在夷陵歐陽永叔云峽州署中舊有千
葉紅梨花知郡朱慶基始加欄檻命坐客賦之一統

志曰白雲
亭在巴東

龍山

鶴澤

記纂淵海曰龍山在江陵孟
嘉登高吹帽處廣興記曰

鶴澤在府境晉羊祜鎮荆門澤中多鶴常取教舞以娛賓客

方山

圓臺

一統志曰方山

在長陽四面俱有風穴口大如甕夏則風出冬則風入春秋分則靜又曰圓臺山在當陽

濯纓

落帽

又曰濯纓臺在監利楚屈原濯纓處又曰落帽臺在龍山

西陵

東瀼

廣輿記曰西陵在夷陵為三峽之一宜都記自黃牛灘東入西陵界一百里許山水紆曲林木高茂哀猿三聲

巖谷響應行者聞之莫不懷土一統志曰東瀼溪在巴東唐杜甫嘗居此

狼尾

虎牙

又曰狼尾灘在夷陵又曰虎牙山在大江北岸與荆門相對昔公孫述遣將依二山作浮橋拒漢橋下有虎

牙灘又名武牙以上荊州府

銀山

金水

又曰銀山在湘潭山石白如銀又曰金水井

在攸縣

錦灣

玉筍

廣輿記曰錦灣在湘潭陶侃遊釣處甄烈湘中記云湘陰屈潭之

左有玉筍山屈原之
放棲於此山作九歌

書山 印石

一統志曰書山在
湘陰 又曰印石

在安化方廣百十丈
上有印紋遇雨即見

果恩峯 簪簪谷

又曰果恩峯
在寧鄉山頂

石峯森聳如筍如屏因名果恩
嶽麓山下乃仙巢先生鍾尚書舊隱

廣輿記曰簪簪谷在
上有吹香亭宋理

宗手題
其額

芙蓉山

芭蕉嶺

又曰芙蓉山在安化舊名
青羊山與大瀉山相接奇

峰疊聳狀若芙蓉
湘鄉下有芭蕉市

又曰芭蕉嶺在
以上長沙府

花溪 竹坪

一統

志曰花溪山在新寧
武岡山勢高峻還繞都梁為一州偉觀

又曰竹坪山在

問月 宣風

又曰問月亭在武岡
風雪霽詩樓迎雲隨畫拱飛卷簾又應雪晴時千林凍

又曰宣風樓在武岡陳與義宣
風雪霽詩樓迎雲隨畫拱飛卷簾又應雪晴時千林凍

解雲霾埽收出
青山分外奇

投龍洞 放鶴坡

記纂淵海曰投龍
洞在雲山 又曰

放鶴坡梁崔穆於此羅得二鶴放
之得玉壁一雙以上寶慶府

風洞 月山 志一統

風洞月山
俱在慈利

象骨 龍影

又曰象骨在臨湘山海經巴
蛇吞象暴其骨於此山傍有

湖曰象湖 又曰龍影洞在平江三千餘尺周三
十里石壁瑩然上有龍影屈伸蜿蜒鱗甲如繪

赤

沙 青草

方輿勝覽曰赤沙湖與洞庭湖通 又曰青
草湖一名巴丘湖北連洞庭南接瀟湘東納

汨羅
之水

柳毅井

梅仙山

廣輿記曰柳毅井在君山唐
柳毅下第歸至涇陽見一婦

人牧羊曰妾洞庭君小女嫁涇川次子為婢所惑見黥
至此敢寄尺牘洞庭之陰有大橘樹擊樹三當有應者
毅如其言忽見一叟引至靈虛殿取書以進洞庭君泣
曰老夫之辜也頃之有赤龍飛去擁一紅妝回即寄書
女也宴毅碧雲宮洞庭君弟錢塘君曰涇陽娉婦欲託
高義為姻毅不敢當辭而去後再娶盧氏即龍女也與

同歸洞庭 又曰梅仙山在平

江梅子真隱處 以上岳州府

橘洲

芷水

方輿勝覽曰橘

洲在龍陽即李衡種橘處史記江陵千株橘其人與千

戶侯等謂此 又曰芷水在龍陽即沅水別派其地多

生杜衡白

鹿山

鶴湖

廣輿記曰鹿山在府西高吾

芷故名

逐入穴中見一石梯因上豁然開朗桑果成林其後再

探之莫知所在 又曰鶴湖在沅江

以上常德府

雙石

七寶

一統志曰雙石崖在黔陽二石對立又

下土人神之舟楫莫敢忤犯

桃花山

楠木洞

廣輿記曰

桃花山在淑浦一名華蓋山昔人常種桃千樹至今呼

桃花園

一統志曰楠木洞在淑浦石壁峭立梯竹以

登劃見天碧可納日月光景行未半有漲水蓋龍池云

洞中多怪石楠木羅洞門故名下瞰流水名無盡溪

以上辰州

秀巖 錦石

又曰秀巖在臨武下有兩穴水出其左為大溪流二百餘步復入右

穴 又曰衡山江邊有錦石數片云是區星遺錦於此化為石

金粟

玉砂

記纂淵海曰金

粟巖在臨武石壁峭拔巖上石璀璨如垂珠珞 又曰玉砂泉在雲密峰流州岸下

洗鉢

流

盃

一統志曰洗鉢池在衡山西 又曰流盃池在衡山石上有九曲引水縈回為流觴遊賞之所

金

烏

石燕

又曰金烏井在府北井在道傍水淺不滿舊傳金烏井滿狀元出 廣輿記曰石燕山在

桂陽頂有石壁夏秋雨過小石墜下如燕雌雄相比可為藥 以上衡州府

寒亭

煖谷

一統志曰寒亭在江華唐瞿令開棧道入洞穴作亭石上元結當大暑登之疑天時將寒故名 又曰煖谷寒亭之側縣尉李伯英得之邑大夫蔣祺命名蔣之奇作記方盛寒此谷中其氣溫然雖挾纈熾炭不若也

螭室

龍巖

方輿勝覽曰螭室在府西唐柳宗元云零陵郡西有螭室於江法曹唐登浴其涯螭

牽以入作憩螭文投之江一統志曰龍巖在寧遠相傳巖有龍吟之聲則其鄉有登賢書者以上永州府

芙蓉江

菖蒲嶺

記纂淵海曰芙蓉江在通道來自湖南又曰菖蒲嶺在綏寧

青陂湖

黃石寨

方輿勝覽曰青陂湖在會同一統志曰黃石寨在綏寧以上靖州

龍渡

蛟潭

又曰龍渡山在州西又曰蛟潭在桂東

熱水

寒泉

又

興寧縣東地名周門有數池其沸如湯不可洗又曰寒泉在州南春夏尤冷以上郴州

盤龍

飛鳳

方輿勝覽曰盤龍溪在衛北馬公泉脚下昔有龍盤於此又曰飛鳳山在衛北

觀

瀾

問月

一統志曰衛南石上鐫觀瀾二字又曰問月亭在衛北有臺孤高獨出碧波峰之中舊

建此亭於上李白謫夜郎常
於此賞月以上施州衛

湖廣省四

增詩漢馬援武陵深曲曰滔滔武陵一何深鳥飛不渡
獸不能嗟哉武陵多毒淫 晉武陵歌曰仰茲山兮迢
迢層石構兮嵯峨朝日麗兮陽巖落景梁兮陰阿郭壑
兮生音吟籟兮相和敷芳兮綠林恬淡兮潤波樂茲潭
兮安流緩爾櫂兮詠歌 宋襄陽樂歌曰朝發襄陽城
暮至大堤宿大堤諸女兒花豔驚郎目 梁宗夔荊州

樂詩曰迢遞樓雉懸參差臺觀雜城闕自相望雲霞紛

颯沓章華遊獵去紀郢從禽歸溶溶紫煙合鬱鬱紅塵

飛朝發江津路暮宿靈溪道平衢廣且直長楊鬱裊裊

唐李白江陵詩曰楚地八千里槃桓此都會巍峩數

里城遠水相映帶又峽州詩曰春水月峽來浮舟望

安極正見桃花浪依然錦江色江色綠且明茫茫與天

平逶迤巴山盡遙曳楚雲情又送儲邕之武昌詩曰

黃鶴西樓月長江萬里情春風三十度空憶武昌城送

爾難為別銜杯惜未傾湖連張樂地山逐泛舟行諾謂
楚人重詩傳謝朓清滄浪吾有曲寄入棹歌聲 又襄
陽詩曰峴山臨漢江水綠沙如雪上有墮淚碑青苔久
磨滅且醉習家池莫看墮淚碑山翁欲上馬笑殺襄陽
兒 又上三峽詩曰巫峽夾青天巴水流若茲巴水忽
可盡青天無到時三朝上黃牛三暮行太遲三朝又三
暮不覺鬢成絲 又岳州詩曰帝子瀟湘去不還空餘
秋草洞庭間淡埽明湖開玉鏡丹青畫出是君山 又

武陵詩曰昔日狂秦事可嗟直驅雞犬入桃花至今不

出煙溪口萬古潺湲二水斜 又曰霧暗煙濃草色新

一番流水滿溪春可憐漁父重來訪只見桃花不見人

又送王昌齡詩曰楊花落盡子規啼聞道龍標過五

溪我寄愁心與明月隨君直到夜郎西 又白居易鄂

州詩曰江邊黃鶴古時樓勞置華筵待我遊楚思蒼茫

雲水冷商音青脆管弦秋白花浪濺頭陀寺紅葉林籠

鸚鵡洲總是平生未行處醉時堪賞醒堪愁 又峽州

詩曰上有萬仞山下有千丈水蒼蒼兩崖間濶狹容一

葦 李羣玉漢陽詩曰漢陽抱青山飛樓映襄渚白雲

蔽黃鶴綠樹藏鸚鵡 杜牧蘄州詩曰蘭溪春盡碧泱

泱映水蘭花雨後香楚國大夫顛顚日應尋此路去瀟

湘 戴叔倫蘄州詩曰蘄水城西北看桃花落盡柳

花殘朱旗半卷山川小白馬連嘶草樹寒 崔湜襄陽

詩曰廟堂初解印郡底忽腰章按節巡河右鳴騶入漢

陽城臨南峴出樹繞北津長好學風猶扇誇才俗未亡

江山距七澤煙雨接三湘蛟浦荷菱淨魚舟橘柚香醉
中求習氏夢裏憶襄王宅毀仍思鳳碑存更憶羊下車
慚政美閉閣幸時康多謝征南術於今尚不忘 李百
藥郢城懷古詩曰客心悲暮序登墉瞰平陸林澤宵芊
緜山川鬱重馥霸功資設險名都距江澳方城次北門
溟海窮南服長策挫吳豕雄圖競周鹿萬乘重沮漳九
鼎輕伊穀大蒐雲夢崦壯觀章華築人世更盛衰吉凶
良倚伏遽見鄰交斷仍睹賢臣逐南風忽不競西師日

侵蹙運圯屬馳驅時屯恣敲扑莫救夷陵火無復秦庭
哭鄢郢遂丘墟風塵俄慘黷狐兔時遊踐露霧日沾沐
釣渚曲池平神臺層宇覆陣雲埋夏首窮陰慘荒谷悵
矣丘壑遷悲哉年紀倏雖異三春望頗傷千里目皮
日休送弟歸復州詩曰羨爾優游正少年竟陵煙月似
吳川車螯近岸無妨取舴艋隨風不費牽處處路傍千
頃稻家家門外一渠蓮殷勤莫笑襄陽住為愛南游縮
頸鰻韓愈自安陸寄周循州詩曰行行指漢東暫喜

笑言同雨雪離江去蕪陵出夢中面猶含瘴色眼已見

華風歲暮難相值酣歌未可終 又峴嶺峯詩曰峴嶺

山尖神禹碑字青石赤形摹竒蚪蚪拳身薤倒披鸞飄

鳳泊拏虎螭事嚴迹怪鬼莫窺道士獨上偶見之我來

咨嗟涕漣漉千搜萬索何處有森森綠樹猿猱悲 又

合江亭寄鄒使君詩曰江亭枕湘江蒸水會其左瞰臨

渺空濶綠淨不可唾維昔經營初邦君實王佐翦林遷

神祠買地費家貨棟梁宏可愛結構麗匪過伊人去軒

騰茲宇遂摧挫老郎來何暮高唱久乃和樹蘭盈九畹
栽竹逾萬个長綆汲滄浪幽蹊下坎坳波濤夜俯聽雲
樹朝對臥初如遺宦情終乃最郡課人生誠無幾事往
悲豈那 又郴江詩曰山作劒攢江瀉鏡扁舟斗轉疾
於飛回頭笑向張公子終日思歸今日歸 李商隱潭
州詩曰潭州官舍暮樓空今古無端入望中湘淚淺深
滋竹色楚歌重疊怨蘭叢陶公戰艦空灘雨賈傳承塵
破廟風日斷故園人不至松醪一醉與誰同 戎昱送

張秀才長沙詩曰君向長沙去長沙僕舊諳雖之桂嶺
北終是闕廷南山靄生朝雨江煙作夕嵐松醪能醉客
慎勿住湘潭 張籍送林邵詩曰詞客南行寵命新瀟
湘郡入曲江津山幽自足探微處俗樸應無爭競人

戴叔倫郴州詩曰地盡江南戍山分桂地林火雲三月
合石路九疑深暗谷隨風過危橋共鳥尋羈魂愁似絕
不復待猿吟 宋崔鷗黃州道中詩曰春草門前已沒
靴更無人過野人家離離細竹時聞雨澹澹疎簾不隔

花 孔武仲黃州詩曰客路深秋一轉蓬淮天牢落此
將窮城開雲水蒼茫處人在茅簷掩映中對岸武昌風
月近千年赤壁是非空愁思陳迹慵開口謾把筠竿伴
釣翁 張舜民房州詩曰有客嘗談解散川偶因晴景
到山前溪流似鏡清無底石壁為門翠插天夜氣結成
三洞雨春渠飲盡一川田臨行始覺房陵好更欲遲留
住一年 陳師道隨州詩曰湫湫雙水抱城隅高誼前
聞李大夫九十九岡風俗厚人人況已握靈珠 趙師

秀德安道中詩曰餐餘行數步稍覺一身和蠶月人家

閉春山瀑布多鶯啼聲出樹花落片隨波前路東林近

慚因捧檄過 陸游荊州歌曰楚江鱗鱗綠如釀銜尾

江邊繫朱舫東征打鼓挂高帆西上湯豬聯百丈伏波

古廟占好風武昌白帝在眼中倚樓兒女笑迎客清歌

未盡千觴空沙頭巷陌三千家煙雨冥冥開橘花峽人

住多楚人少土鑄爭響茱萸茶 又道州詩曰雲斷蒼

梧竟不歸江邊古廟鎖朱扉山川不為興亡改風月應

憐感慨非 汪元量江陵詩曰月到荆江上輕帆莫遠

揚水搖龍影動風送雁聲長北斗回秋柄南辰耿夜光
徘徊舒一歎詩興落瀟湘 又巴陵詩曰重到巴陵秋

正清岳陽城下繫孤舫江湖萬里水雲濶天地一涼河

漢明月出洞庭魚婢舞氣蒸夢澤雁奴腥篙工又鼓瀟

湘柁漁笛漁榔上下鳴 蘇軾荊州詩曰遊人出三峽

楚地盡平川北客隨南賈吳檣間蜀船江侵平野斷風

卷白沙旋欲問興亡意重城自古堅 又曰南方舊戰

國慘澹意猶存慷慨因劉表淒涼為屈原廢城猶帶井

古姓聚成村亦解觀形勝昇平不敢論 又曰朱檻城

東角高王此望沙江山非一國烽火畏三巴戰骨淪秋

草危樓倚斷霞百年豪傑盡擾擾見魚蝦 又曰沙頭

煙漠漠來往壓喧卑野市分麀閑宮帆過渡遲遊人多

問卜僇叟盡攜龜日暮江天靜無人唱楚詞 又曰殘

臘多風雪荆人重歲時客心何草草里巷自嬉嬉爆竹

驚鄰鬼驅儺逐小兒故人應念我相望各天涯 又曰

江水深成窟潛魚大似犀赤鱗如琥珀老枕勝玻璃上
客舉雕俎佳人搖翠篋登庖更作器何以免屠割又
鐵溝行詩曰城東坡壠何所似風吹海濤低復起城中
病守無所為走馬來尋鐵溪水鐵溪水淺不容舟恰似
當年韓與侯有魚有魚何足道駕言聊復寫我憂又
送喬施州詩曰恨無負郭田二頃空有載行書五車江
上青山橫絕壁雲間細路躡飛蛇雞號黑暗通蠻貨蜂
鬧黃昏採蜜花共怪河南門下士不應萬里向長沙

黃庭堅岳州詩曰滿川風月獨憑欄綰結湘娥十二鬟

可惜不當湖水面銀山堆裏看青山 陶弼常德詩曰

曲臺風月德山雲夢想中間今幾春臣葬江魚終愛楚

民逃花洞不思秦 劉克莊祁陽道中詩曰昨過知岑

寂重來況雪天人居雞柵裏路在鳥巢邊草樹開還閉

茅山斷復連瀟江清似鏡悔不問歸船 元張養浩黃

州道中詩曰濯足常思萬里流幾年陳迹意悠悠閒雲

一片不成雨黃葉滿城都是秋落日斷鴻天外路西風

長笛水邊樓夢回已悟人間世猶向邯鄲話舊遊 明

李東陽長沙竹枝歌曰三十六灣灣對灣人家多住白

茅間直過洞庭三百里長沙城北是彤關 又曰南船

北船過洞庭蕭公祠前牲酒馨二妃枉作君王后君看

君山山自青 又曰汨羅江頭春水生汨羅江上楚歌

聲人間若解三閭苦水底魚龍亦有情 又曰馬殷宮

前江水流定王臺下暮雲收有井猶名賈太傅無人

祭李潭州 又曰江頭彩旗耀日明船上撾鼓不停聲

湖南樂事君記取五月五日潭州城 又曰潭州城邊

多野田黃茅白葦遠連天莫言楚國無生理畝地如今
倍直錢 又曰湘江女兒愁落暉湘江江上鷓鴣飛行

人試看君山竹竹不成斑君始歸 又曰戎門旌節擁


高臺軍士南邊戍未回紅巾小兒齊擊鼓知是官船江

上來 又曰湘江水深天下清何如隴頭秋月明離人

到此不得醉況是高樓吹笛聲 又曰長沙少年無奈

春青衫白面不生塵勸君莫向湘潭住江燕銜泥解浣

人 薛瑄沅州雜詩曰辰沅風壤帶三苗一望乾坤納
納遙翼軫衆星朝北極岷嶓諸嶺導南條天鄰巫峽常
多雨江過潯陽始有潮近日詩懷殊浩渺謾將新句寫
芭蕉



御定淵鑑類函卷三百三十七